


General Store & Book Shop  
GHURA MUNDA

# मरुए दियां मिञ्जरां

नीमी ते दसमीं जमातें लेई


General Store & Book Shop  
GHURA MUNDA

जम्मू ते कश्मीर रियास्ती स्कूली शिक्षा बोर्ड











# मरुए दियां मिञ्जरां

नौमी ते दसमीं जमातें लेई

(डोगरी-कवता-निबन्ध-कहानी ते एकांकी संग्रह)

सम्पादक मंडल

चीफ अडीटर :- डॉ० चम्पा शर्मा

असिस्टेंट अडीटर :- डॉ० वीणा गुप्ता

डोगरी रिसर्च सेंटर, जम्मू युनिवर्सिटी, जम्मू

ऐडिटोरियल बोर्ड

1. डॉ० वेद घई
2. प्रो० नीलाम्बर देव शर्मा
3. प्रो० रामनाथ शास्त्री
4. श्री बलदेव प्रसाद शर्मा
5. श्री धर्मचन्द्र प्रशान्त

मू ते कश्मीर रियास्ती स्कूली शिक्षा बोर्ड

नगरान

चेअरमैन

जम्मू ते कश्मीर रियास्ती

स्कूली शिक्षा बोर्ड ।

पैहला प्रकाशन.....सितम्बर 1985

2nd Edition 1989

मुल्य..... 4.50 6,000


प्रकाशक

जम्मू ते कश्मीर रियास्ती दा स्कूली शिक्षा बोर्ड, जम्मू

Printed at "ESS ESS ESS OFFSET PRESS," Jammu.



मरुए दियां मिञ्जरां





## विश्वे-सूची

### कवता भाग 'क'

कवि	कविता	सफा
1. पं० गंगा राम	कंडिया दा वस्सना	5
2. रघुनाथ सिंह सम्याल	डुगर ते डोगरी	7
3. पं० हरदत्त शर्मा	दालती दा धंदा	9
4. किशन स्मैलपुरी	सुरग देस	11
5. परमानन्द अलमस्त	परदेस	13
6. पं० शम्भुनाथ शर्मा	आजू ऐ थोहू डी तेकम्म बत्हेरे	15
7. रामलाल शर्मा	पहाड़ें ते नदिएं दा देस	17
8. रामनाथ शास्त्री	सन्नासर	19
9. दीनू भाई "पन्त"	मेरे देसै दा शलैपा मेरी अकखीं कन्ने दिक्ख	22
10. यश शर्मा	संभ सवेरे इक्को चाहू	24
11. केहरि सिंह मधुकर	प्रीत	27
12. वेदपाल दीप	नमीं अजादिये	29
13. सागर पालमपुरी	रूत फुल्लां री आई	31
14. नरसिंह देव जमवाल	भरम	33
15. पद्मा सचदेव	मेरा मन्दा कियां बुज्झो	35
16. दुनी चन्द त्रिपाठी	बदली	37
17. चर्ण सिंह	लामा-फेरे	39

### गद्य भाग 'ख'

#### [घ] निबन्ध

1. विश्वनाथ खजूरिया	गरसाल कोठी [बड़भाई]	43
---------------------	---------------------	----

2. डॉ० विजयपुरी	साढ़ा शरीर इक अजैबघर	48
3. डॉ० वीणा गुप्ता	समाचार पत्र	58

[एहू भारती भाग II थमा साभार  
लैते दे लेख समाचार पत्र दा  
डोगरी रूपान्तर ऐ]

[घ] संस्मरण

डॉ० चम्पा शर्मा	मैं तू मैं तू	82
-----------------	---------------	----

[स] कहानी

1. बी० पी० साठे	मंगते दा घराट	87
2. तरेन्द्र खजूरिया	की फुल्ल बनी गे डारे	67

[ष] एकांकी

1. जितेन्द्र शर्मा	अन्तिम इच्छेआ	77
2. ओम गोस्वामी	घर घर	84



## सम्पादकी

“महए दियां मित्रजरां” पुस्तक दी पाठ्य-समग्री दा चुनां नीमी दसमीं जमातें दे विद्यार्थियें दी योग्यता गी ध्यान च रखदे होई कीता गेदा ऐ। एह् दे च शामिल कीती गेदियें सभनें रचनएं दा संपादन शील चालीं जांच-परख करने परेन्त कीता गेदा ऐ।

नीमी-दसमीं जमातें दे स्तर गी नजरी च रखदे होई डोगरी साहित्य दियें प्रमुख विधाएं—कवता, निबन्ध, कहानी ते एकांकी-गी इस पुस्तक च संकलन कीता गेआ ऐ। इस च संकलन कीती गेदी सबूरी पाठ्य-समग्री गी डोगरी दी मजूदा वर्तनी दे मताबक संशोधत रूप दिता गेदा ऐ। लोड़चदे भाशाई ज्ञान ते व्याकरण सरबन्धी जानकारी दा बशेश ध्यान रक्खेआ गेआ दा ऐ ते इस आस्तै हर रचना दे खीरै च भाशाई अध्ययन दे तैहत-डोगरी च बर्तौने आले संज्ञा, सर्वनाम, विशेषण ते क्रिया शब्दें दे भ्यास लेई निर्देश दिता गेदा ऐ। विद्यार्थियें दी जानकारी च चतर्फी बाद्धा करने लेई “ज्ञान-बधाओ” सिरलेख दे तैहूत उनें गी होर जानकारी किट्ठी करने लेई आक्खेआ गेदा ऐ। पुस्तक दे खीरै च कठन शब्दें दे अर्थ दिते गेदे न तां जे पढ़ने ते पढ़ाने आले गी सहूलत होई जा।

पुस्तक दे संकलन बारें रियास्ती स्कूली शिक्षा बोर्ड आसेआ खडेरी गेदी सलाहकार-सम्मिति थमां समें-समें पर कीमती सुभाव मिलदे रेहू न। अस उन्दे ते जिनें डोगरी लेखकें दियां रचना इस पुस्तक च शामिल न, उन्दे धन्नवादी आं।

- डॉ० चम्पा शर्मा  
(चीफ अडीटर)

Faint, illegible text, possibly bleed-through from the reverse side of the page.



## पं० गंगा राम

पं० गंगा राम हुन्दा जन्म तसील साम्बा दे गड़वाल नां दे प्रां च सन् 1777 च होया ते 1858 च एह परलोक सधारी ने। गंगा राम होर संस्कृत दे विद्वान हे। एह कांगड़े दे राजदरवार च ते जम्मू दे महाराजा रणवीर सिंह हुन्दे दरवार च रेह। डोगरी च इन्दी इक्की कवता "कंठिया दा वस्सना" मिलदी ऐ।

### कंठिया दा वस्सना

वाजरे दी राखी करी, डंगर डराई करी,  
चिड़ियां उड़ाई करी, कियां कियां कत्तना ?  
क्रोह जाई पानी भरी, पत्थरें च पैर भन्नी,  
ढक्किया दा दुःख भैने, कुसी जाई दस्सना ?  
वच्छुएं वछरेटें गी, पानी पलेयाना रोज,  
अद्धी रातीं उट्टी करी, चक्किया गी घस्सना।  
इक्के गल्ल सच्चै दी, सै लाड़िया गलाई दिल्ली,  
सवने थों कच्चा लोको, कंठिया दा वस्सना।

#### प्रश्न-अभ्यास

1. कंठी कुस अलाके गी आखदे न ?
2. कंठी दे वसनीके दे कम्मकाज बारे पंज पंगतियां लिखो।
3. इस कवता च कवि केह आखना चाहन्दा ऐ ?

#### भाषा-अभ्यास

[क] खल्ल लिखे दे शब्दे दे अर्थ लिखो :—

डंगर, क्रोह, ढक्किया, वछरेटे, घस्सना, गलाना, कच्चा, वस्सना, राखी-करना।

[ख] इन्हे च फर्क दस्सो ते बाक्ये च प्रयोग करो ।

बाजरा	—	जी	लाड़ी	—	कुड़ी
चिड़ी	—	कोयल	कच्चा	—	चंगा
कत्तना	—	पिजना	बच्छू	—	कट्टू
ठक्की	—	शिड़क			

### ज्ञान-बढ़ाओ

1. कंठी (अ) लाके दे फल-मेवे दी फेह्, रिस्त बनाओ ।
2. कंठी दा फेह्, ला रूप कैसा हा ते हून कनेहा ऐ । इस बारे अपने अध्यापक कथा होर जानकारी हासल करो ।



## रघुनाथ सिंह सम्माल

ठा० रघुनाथ सिंह सम्माल हुन्दा जन्म सन् 1९85 च कंहली मंडी, साम्बा च होआ। इन्दा इक कवता संग्रह, कवता-रतन नां कन्नै मिलदा ऐ। इनें "श्री-मद्भगवद् गीता" दा डोगरी च पद्य-अनुवाद वी कीता दा ऐ। इन्दा बड़ा मशहूर ते भाव भरोचा गीत ऐ "डोगरा देस जगाई जायां"। एहू बड़े खड़के आले व्यक्ति हे। 1963 च इन्दा काल होई गेआ।

### डुग्गर ते डोगरी

जम्भू, चम्बा, शिमला, मंडी, कुल्लू, कांट, कसोली,  
मिट्टी-मिट्टी मती प्यारी इस डुग्गर दी वोली।  
जिन्न वनाए शेर डोगरे, जिन्न वनाए वीर,  
जिन्न मारियां तेगां-भाले, जिन्न चलाए तीर।  
जिन्न लंगाइयां डूंगियां नदियां, जिन्न टपाए पीर,  
जिन्न वजाए ल्हौर दमामे, जिन्न लेया कश्मीर।  
ओ डुग्गर दी रानी भाशा, नेई कुसै दी गोल्ली,  
मिट्टी-मिट्टी मती प्यारी, इस डुग्गर दी वोली।  
जिसदी खातर लड़े सूरमें, गुग्गा कालीवीर,  
वाजसिंह जरनैल हुश्यारा, जोरावर बजीर।  
प्रेमपाल, राजिदर ऐमे सूरवीर रणधीर,  
पिच्छे पैर नि रक्खे, भाएं अगें गे शरीर।  
हीरें-पन्नै कान भरी दी, कड्डी सब फरोली,  
मिट्टी-मिट्टी मती प्यारी, इस डुग्गर दी वोली।  
छूत-छात दा नां नि जित्थे, वन्ना बाड़ लकीर,  
जिसदी गोदा सारे खेडन, पीन थनें दा सीर।  
हिन्दू, मुस्लम, सिक्ख, इसाई, गद्दी गुज्जर कोली।  
मिट्टी-मिट्टी मती प्यारी इस डुग्गर दी वोली।

बोली बड़ा खजाना भाइयो लाल रतन दी खान,  
 कौमें दा बल पौरख बोली, जिदू दे विच जान।  
 बोली दे विच मान बड़ाई, बोली दे विच शान,  
 बोली गई तां मिटेया भलेयां, स्हाड़ा नाम नशान।  
 मन्नो जां नेई मन्नो भावो, गल्ल सुनानां खोल्ही।  
 मिट्टी-मिट्टी मती प्यारी इस डुंगर दी बोली।

### प्रश्न-प्रश्न्यास

1. इस कवता दे आधार पर बोली दी मैहमा वारे कवि दे बच्चार लिखो।
2. बोली बड़ा खजाना भाइओ लाल रतन दी खान, कौमें दा बल पौरख, बोली, जिदु दे विच जान, इनें पंगतिये दी गल्ल करदे-करदे सम्याल होरे केहड़े-केहड़े ब्हादर सूरमें दे नाए दा जिकर कीता दा ऐ ?

### भाषा-अध्ययन

[क] इनें शब्दों दे अर्थ लिखो :—

तेगां-भाले, दमामें, गोल्ली, सूरबीर, रणधीर, शरीर, रंक-फकीर, थनें दा सीर, खजाना, बड़ाई, नाम-नशान, खान, मिटना।

[ख] खाली स्थान भरो :—

जिन्न बजाए ल्हीर.....जिन्न लेआ कश्मीर।  
 जिसदी गोदा सारे.....पीन थनें दा सीर।  
 बोली बड़ा.....भाइयो.....रतन दी खान।  
 बोली दे विच.....बोली दे विच.....।

### ज्ञान-वधाप्रो

अपने अध्यापक हुन्दे कोला डुंगर च बोली जाने आलिये दूइए बोलिये दे नां पुच्छो ते उन्दियां कवतां बी पढ़ो।



## पं. हरदत्त शर्मा

पं० हरदत्त शर्मा हुन्दा जन्म मन् 1890 च पलीहूडा नां दे शां च होआ ते मन् 1956 च वम्बई च इन्दा काल होई गेआ । हरदत्त होर संस्कृत दे अध्यापक हे । भजनें दियां इनें जेह् डिंयां दो कतावां लिखी दियां न ओ न "डोगरी भजन माला" (भाग 1 ते 2)। एह् कथावाचक हे ते कथा ते भजनें दे राहें समाज-सुधार दी गल्ल वी आक्खी लेंदे हे । उन्दियां मशहूर कवतां न—डोगरा देस, फँशन, वेकारी ते दालती दा धंदा ।

### दालती दा धंदा

दालती च पुज्जा गै तां आइयै चमकी गे मिकी,  
पलची गेआ आखचै, धमूडियें दा खखुरा ।  
खीसे फरलाइयें सारे, पैसे ते कढाई लेंते.  
भिडियें घंडोलियें दा, बुशका सै वक्खुरा ।  
पिछली तरीका जिसी, पंज देई गेआ सा अज्ज,  
दूरा दा गै भाले मारै, गल्ल सुन जक्करा ।  
मुनशी बकीले दा सै, जिंदे गैह् ने जोड़ै मूल-  
पिच्छें गै लग्गा दा आया, पक्के डंगे तक्करा ।

कुसै इक्क कुसै दो, कुसै धा कुसै भोह्,  
कुसै गन्ने कुसै रौ, कुसै गितै सन धोचदी ।  
इनें फरमासें फंगताल करी दित्ता मिगी,  
ठागरें तोड़ीं वी मेरी, सूक नेई सनोचदी ।  
कुन दिन होए, मिगी ऋप्पड़ त्रीडदे गै,  
गरीबें गितै अज्ज, सरकार वी नि सोचदी ।  
भुज्जी-भुज्जी सुड़ी गेआं, चिन्ता विच चुड़ी गेयां,  
पापें वाली बेड़ी, अजें वी नि भोचदी ।

खसमें गी खाओं, जिमीं जंदी ऐ तां जाओ,  
नै मता किश आओ, मिगी साग ढोडा लोडदा ।  
निक्क-शुक्क ऐसा सब, गेआ पर कच्चे धाह्,  
सारी गै उमर रेहा, पैसा-पैसा जोडदा ।

कुसै चंगे कम्म लांदा, तामी चंगा फल पांदा,  
रफूजिये गी दिन्दा, दालती च कैसी रोढ़दा ।  
जेत कुसै पुच्छना तां मिगी आइये, पुच्छी लैओ,  
दालती दा धंदा खल्ल, कियां कियां कोइदा ।

### प्रश्न-सम्यास

1. इस कवता दा केहूँ दा बन्ध तुसैंगी मता शैल लग्गा ऐ ते की लग्गा ऐ ?
2. कवि जिसलै दालती च पुज्जा तां उसदी केहूँ हालत होई ?  
सोसियं गल्ल स्पष्ट करो ।
3. इस कवता च कवि नै कुनै कुनै लोकें बारे किश आखेदा ऐ ?

### भाषा-सम्ययन

[क] हेठ लिखे दे मुहावरें दे अर्थ दस्सो ते नी उन्दा प्रयोग वाक्यें च करो :—  
फंगताल करी देना, मुड़ी जाना, भुज्जना, कच्चे थाहूर जाना, चुड़ी जाना ।

[ख] इन्दे च फरकं दस्सो :—

पिछली	_____	अगली	_____	फंगताल	_____	मालामाल
दालत	_____	कोतवाली	_____	बेड़ी	_____	शिकारा
खकखरा	_____	आलडा	_____	मुनशी	_____	गरदौर
पाप	_____	पुन्न	_____			

### ज्ञान-समाधो

[क] इस कवता दे आधार पर "दालती" दे लरखन दस्सो । अपने अध्यापक दी मदद कर्न दालती बारे, जज्जे, बकीलें दे कम्म बारे होर जानकारी किट्टी करो ।

[ख] हेठ लिखे दे शब्दें दे सामने उन्दे बिपरीत शब्द देओ, जियां :—

पिछली	_____	अगली
फंगताल	_____	
दूर	_____	
पाप	_____	
कच्चा	_____	
गरीब	_____	



## किशन स्मैलपुरी

लता मंगेशकर हुन्दे गाए दे "भला सपाइया डोगरेया" गीत दे रचनाकार किशन-स्मैलपुरी हुन्दा जन्म सन् 1900 च तसील साम्बा दे स्मैलपुर ग्रं च होआ। बचपुने थमां गे इनेंगी शायरी करने दा शौक हा। पैह्लें एह् उर्दू च लिखदे हे। गालिब, जौक, मीर, दाग आदि उर्दू शायरें दा इन्दे पर बड़ा प्रभाव हा। इनेंगा इन्दी उर्दू दी कताब "फिरदौस से बड़कर है यह मेरा बतन डुंगर" पर रियास्ती अकंडमी थमां ते "मेरियां डोगरी गजलां" पर केन्द्री साहित्य अकंडमी पास्सेआ नाम बी ध्होए दे न। इनें आकाशवाणी जम्मू च खासा चिर नौकरी कीती। 27 जनवरी 1981 गी इन्दा काल होई गेआ।

## सुरग-देस

सुरगें दी गल्ल नई ला अड़ेया,  
जस्स अपने देसै दा गा अड़ेया।

ए देस फुल्लें दा खारा ई, ए देस असें अत्त प्यारा ई,  
ए स्हाड़ी अक्खी दा तारा ई, ए त्रैलोकी थमां न्यारा ई,  
तूं एदा मान बघा अड़ेआ, सुरगें दी गल्ल नई ला अड़ेया।  
ए देस ई रिखियें मुनियें दा, ए देस ई ज्ञानी गुनियें दा,  
ए देस इक तीरथ ई, ए स्हाड़ी मुकती दा द्वारा ई,  
जोत इसदे अग्गे जगा अड़ेआ, सुरगें दी गल्ल नई ला अड़ेआ।

ए बाजसिहें दी धरती ऐ, ए जोरावरें दी धरती ऐ,  
ए देस बड़े बलकारें दा, जरनैलें दा सरदारें दा,  
इस देसै दा जस्स गा अड़ेया, सुरगें दी गल्ल नई ला अड़ेया।

कुतै उज्झ ते नीरू बगदे नीं, कुतै छल्ल चनां दे लगदे नीं,  
कुतै देवक ते तो बगदी ऐ, अञ्जी ते राबी बगदी ऐ,  
गीत इसदे रज्जिये गा अड़ेया, सुरगें दी गल्ल नई ला अड़ेया।

1. कवि स्मैलपुरी होरें अपने देस गी सुरग देस की करी आखे दा ऐ ?
2. "सुरग देस" कवता दे अघार पर इस देस दिया बशेशतां दस्सो ।
3. इस कवता गी मूंह, जवानी चेत करी ते जमाता च सनाओ ।

भाषा-अभ्यास

[क] हेठ लिखे दे शब्दें दे रलदे-मिलदे अर्थ-आले शब्द दस्सो :—

सुरग, खारा, त्रैलोकी, बलकार, ज्ञानी, गुणी, तीरथ, जोत, मुक्ति, छल्ल ।

[ख] इन शब्दें गी हेठ दिती दी व्याख्या लेई इक शब्द दे रूप च लिखो :—  
न्यारा, सुरग, त्रैलोकी, ज्ञानी, गुणी, मुक्ति जियां—

1. मरियं जित्यं जाने दी इच्छेया कीती जन्दी ऐ = सुरग
2. सवने थमां बक्खरा =
3. जेदे च सब्भं गुण मजूद होन =
4. जन्म मरण दे बन्धनें शा छुटकारा =
5. जिसी हर चीजें दा ज्ञान होऐ =
6. त्रौं लोकें दा समूह =

[ग] खाली स्थान भरौ :—

1. ए देस फुल्लें दा.....देस असें अत्त.....ई ।
2. जोत इसदे अगें.....अड़ेआ सुरगं दी.....अड़ेआ ।
3. कुतै उज्झ ते.....बगदे नीं, कुतै छल्ल चनां दे.....नीं ।
4. गीत इसदे .....गा अड़ेआ,.....गल्ल नेई.....अड़ेआ ।

ज्ञान-व्याख्यो

अध्यापक दी मदद कर्नै समझो जे कश्मीर गी भारत दा सुरग की आखेवा जन्दा ऐ ।



## परमानन्द 'अलमस्त'

परमानन्द 'अलमस्त' हुन्दा जन्म सन् 1901 च होजा । 'अलमस्त' होर जन्मू दे प्हाड़ी ग्राम च कम्पोडरी दा कम्म करदे रेह, ते उनें ग्राम दे कुदरती छलेपे कोला प्रभावत होइयै इनें बड़ियां शैल कवतां लिखियां । "सुरम नि जान हुन्दा पित्तल खडकाए दे" इन्दी बड़ी मन्नाहर ते समाज सुधारक कवता ऐ । 'अलमस्त' हुन्दा "ललारी" नां द गीत लतामंगेशकर हुन्दी बुआज च रकार्ड होए दा ऐ । इन्दे हो कवता संग्रह, न "भुनक" ते "इक वूदं गी तरस पैछी ।"

### परदेस

कैसी चले परदेस ओ कैन्ता, कैसी चले परदेस ।  
के वरती सिर औखीभारी, पुज्जी के मन ठेस ।  
देस त्यागन देस द्रोही, चाकर, चोर, वचारे  
चूग सम्बै तां पैछी नस्सन, जां जिन्दे रणखारे  
हिरखा वददे हिरखी फिरदे, करी-करी जोगड़ भेस ! कैन्ता.....

परदेसें दे दुख के दस्सां, मन औन्दे नि गलोन्दे,  
जो सुख अपने थाह, रें चन्ना, पर थाह, रें तेई श्होदे,  
सत्थर सुट्टी भुजां सौना, होन्दे सौ कलेश । कैन्ता.....

जिनें नारें दे कैन्त वदेसें, औखा उन्दा जीना,  
वाज प्राणें देह नकम्मी, वाज जला दे मीना,  
लाने खाने ई मन नि करदा, खिल्लरे रौह, न्दे केस । कैन्ता.....

बाह, रा थाह, रा दी चुप्पड़ी मन्दी, घरें दी चंगी कोरी ।  
तंगी-तुरशी कट्टी लैगे देस नि जायो छोड़ी ॥  
ओ अलमस्ता, अरज गुजारां कच्ची बजोगी ठेस ।

कैसी चले परदेस ओ कैन्ता, कैसी चले परदेस ।  
के वरती सिर औखी भारी, पुज्जी के मन ठेस ॥

1. कवि नै इस कवता राहें परदेस जीवन दे केह् डे केह् डे दुख दस्से दे न ?
2. इनें पंगतियें दे अर्थ स्पष्ट करो :—  
जिनें नारें दे कँत बदेसें औखा उन्दा जीना,  
बाज प्राणें देह नकम्मी बाज जला दे मीना ।  
लाने खाने ई मन नि करदा खिल्लरे रीह् न्दे केस ।
3. परदेस कुस गी आखदे न ते देस कुसगी आखदे न ?

**भाषा-अध्ययन**

- [क] हेठ लिखे दे शब्दें दे अर्थ दस्तो ते उन्दे वाक्य बनाओ :—  
परदेस, कँत, औखी-भारी, ठेस, त्यागना, देसद्रोही, चाकर, चोर, चूग, सम्भ  
पेंछी, रणखोर, सत्थर, भुा कलेश, मीना, प्राण, तंगी-तुरशी, अरजां ।
- [ख] हेठ लिखे दे शब्दें दे विपरीतार्थी शब्द खल्ल दित्ती दी फारिस्ते चा तादि  
उन्दे सामने लिखो :—

- |               |            |
|---------------|------------|
| 1. देसद्रोही— | 5. चुपड़ी— |
| 2. हिरखी—     | 6. मन्दी—  |
| 3. भुन्जें—   |            |
| 4. नकम्मी—    |            |

दोखी, गास, देशभगत, कम्मी, चंगी, हकली ।

**ज्ञान-बधाओ**

1. स्हाड़े भारत च किन्ने प्रदेश न ? इस बारें अध्यापक दी मदद कर्ने जानकार  
हासल करो ।



## शम्भू नाथ शर्मा

शम्भू नाथ शर्मा हुन्दा जन्म सन् 1905 च पलीहूडा नां दे प्रां च होया । एह् इक सरोखड़ कवि होने दे कर्नै-कर्नै इक सफल नाटक अभिनेता बी हे । "भडास" नां दा इन्दा इक कवता संग्रह् ऐ, जिस पर इनें गी 1962 च जम्भू कश्मीर अकैडमी पासेवा नाम थहोया हा । इनें डोगरी च रमायण बी लिखी दी ऐ ।

### आजू ऐ थोह्ड़ी ते कम्म बत्हेरे

हुन हुन्दा अज्ज फी कल्ल फी अत्तलं,  
सुकदे निं जमदे दी अक्खीं दे अत्थरुं  
मौत लेई पाँदी ऐ मारन फेरे । आजू ऐ थोह्ड़ी..... !

बच्चे शा जागत फी जोआन फी बुड्ढा,  
चौ गेई बिच्च खा सौ सौ ठुड्ढा,  
इक इक ठेड्डे च दुःख घनेरे । आजू ऐ थोह्ड़ी..... !

जागतपुनी तगरा खेड्ढा च जन्दी,  
जोआनी च भुलदी ऐ मौजे दी अन्धी,  
वढेपे तलोफै चार चफेरे । आजू ऐ थोह्ड़ी..... !

बचपन सोचदा ऐ आऊं करड्,  
अगले ते पिच्छले दुखेंगी हरड,  
सब जस्स गाडन दुनिया च मेरे । आजू ऐ थोह्ड़ी..... !

जन्दे जोआनी गी चिर नियों लगदा,  
आजू दा दरया रुकदा निं बगदा,  
चलदा गै रौह्दा सजां सवेरे । आजू ऐ थोह्ड़ी..... !

वढेपें दे आन्दे अकल जेल्लै आन्दी,  
हत्थड़ होई जन्दा सत्ता निं रौह्दी,  
लेई पाँन्दे लब्भन कूच हुन्दे डेरे, आजू ऐ थोह्ड़ी..... !

भूरदा सफरै शा डरन लेई पाँन्दा ।  
जीन्दे गै डरै ने मरन लेई पाँन्दा ॥  
सोचदा चार दिन कैसे घनेरे । आजू ऐ थोह्ड़ी..... !

पढ़े नि पढ़ाया, धन नि कमाया,  
भला बी नि कीता न किज बनाया,  
पाए, चवक्खी न मीती न घेरे । आजू ऐ थोह्, डी.....

अकल दे प्रभु कोई के किज करे,  
कियां कोई जम्मै, रवै ते मरै,  
सुफल कियां बीतन ए चार दिन मेरे ।  
आजू ऐ थोह्, डी ते कम्म न बत्हेरे ॥

### प्रश्न-अभ्यास

1. कवि ने बढ़ाये दी कनेही तसवीर पेश कीती दी ऐ ?
2. इन् पंगतियेँ दा केह् अर्थ ऐ :—  
आजू दा दरया रुकदा नि बगदा,  
चलदा नै रीह् दा संवा सवेरे,  
आजू ऐ थोह्, डी ते कम्म बत्हेरे ।
3. कवि ने प्रभु कोला किस चीजा दी मंग्ग कीती दी ऐ ?

### भाषा-अध्ययन

[क] इन् शब्दों ते मुहावरें दे अर्थ लिखो :—  
अत्तरुं, घनेरे, डेरा कूच होना, दिन घसेरना, हल्थड़ होई जाना, चवक्खी,  
तलोफना, अकल ।

[ख] खल्ल दित्ते दे वाक्यें चा ठीक वाक्यें अगें नशानी [ ✓ ] लगाओ

1. बच्चें बा बुड्ढा फी जोआन ।
2. जन्दे जोआनी गी चिर नियों लगदा ।
3. चलदा नैई रीह् दा संवा सवेरे ।
4. हुन हुन्दा अत्तरुं फी कलफी अज्ज ।
5. अकल नैई दे प्रभु कोई के किज करे ।

### ज्ञान-व्याप्तो

अपने बजुगें कशा उन्दे अपने तजवें वारें जानकारी हासल करो ते सिक्खमत ग्रहण करो ।



## राम लाल शर्मा

राम लाल शर्मा हुन्दा जन्म सन् 1905 च बुढा स्तानिवा नां दे गां च होवा । एहू, डोगरी संस्था दे कार्यालय-मन्त्री न । इन्हे दी कबता संग्रह, जेहू, डे छपी चुके दे न, ओ न "इन्दर-कनख" ते "किरण" । इनें किश यात्रा लेख बी लिखे दे न । नैहू, कला जंगलात चा रेंजर दे औहू, दे परा र्टेर होने परैस्त मै इनें साहित्य साधना च नै रक्खी । एहू, इक मन्ने दे गजल-गो शायर न ।

### पहाड़ें ते नदिएं बा बेल

मिगी फिकरें च डुब्बे दे,  
उन्हें गारें च खुब्बे दे,  
नमीं सोचें दी रीगें चा,  
इन्हें गासें दी पीगें चा,  
इन्हें नदिएं ते नालें दे,  
बझोए अर्थ आलें दे,  
जदू ऐ नाग नदिएं दे,  
चलै करदे जो सदिएं दे,  
मिगी लब्बे नथोए दे,  
बनी भीलां डकोए दे,  
ते इस धरती दे सीने पर  
इन्हें रक्कड़ जमीने पर,  
बिछे दे जाल नैहू, रें दे,  
सनोचे ताल लैहू, रें दे ॥  
चवक्खै फुल्ल फुलदे न,  
तां हासे भुआं डुलदे न,  
बदल हिरखें ने हाम्बे दे,  
ए गोदं लेइयै साम्बे दे,  
ओ रौस नराली धारें दी,  
इन्हें बहारें ते फुहारें दी,

जां घरती पैर छहोंदा ऐ,  
 निरा-मखमल बभोंदा ऐ ।  
 सुत्ता. गोंदें च ब्हाले दे,  
 बड़े लाडै, ने पाले दे ।  
 ओ दस्तो चीज केहूड़ी ऐ,  
 असें भाखी ति जेड़ी ऐ ?  
 फिरी वी थोड़ बाकी ऐ,  
 बड़ी गै लोड़ बाकी ऐ,  
 उन्हें बलवान बाहिणं दी,  
 उन्हें अनथक्क राहिणं दी,  
 बदी अगें जो हाम्बी लैन,  
 इन्हें सुरगें गी साम्बी लैन ।

### प्रश्न-अभ्यास

कवि नै डुग्गर भूभाग गी प्हाड़ें ते नदिएं दा देस की आखेदा ऐ ?  
 नैहूरें दे जाल बिछे दे आली गल्लें गी बिन्द खोलियै समझाओ ।  
 कुदरत दे शलैपे वारै इस कविता दे अघार पर पंज सतरां लिखो ।

### भाषा-प्रघयन

हेठ लिखे दे शब्दें दे अर्थ लिखो :—

रींगां, आले, बभोऐ, नाग, सदियां, अनथक्क, हाम्बी लैना ।

नथोए दे, सीना, रक्कड़ रौस, घारां, लाड, भाखना,

रींग, नाग, रक्कड़, लाड, आला, इन्हें शब्दें दे पर्याय खल्ल लिखे दे शब्दें चा

तालो ते इन्दे सामने लिखो :—

बीह-कतार, सप्प-कीड़ा, बंजर-खेड़ी, सद्द-बुवाज, हिरख-प्यार,

जियां—घरत=भुञ्ज, घरती-जमीन, पृथ्वी ।

### ज्ञान-बधाओ

कश्मीर दिवें नदिएं दे नां पुच्छो ते ओ कुत्थूं दा निकली दियां न इस वारै  
 जानकारी हासल करो ।  
 भारती नदिएं ते प्हाड़ें दे नां पता करो ।



## रामनाथ शास्त्री

श्री रामनाथ शास्त्री हुन्दा जन्म सन् 1914 च जम्मू च होआ । शास्त्री हु  
डोगरी संस्था दे संस्थापकें चा इक न । इनें केई कतावें दे सम्पादन ते अनुवाद  
कीते । 'सन्नासर' इन्दी इक शाहकार कवता ऐ । इन्दियां रचनां न 'घरती  
रिन' [कवता/संग्रह], 'बदनामी दी छां' [कहानी संग्रह], 'भक्तदियां किर  
[एकांकी संग्रह], 'तलखियां' [गजल संग्रह], इनें गी 'बदनामी दी छां' पर के  
साहित्य अकैडमी ते 'तलखियां' पर रियास्ती कल्चरल अकैडमी पास्सेआ (इ) न  
ध्दोए दे न । शास्त्री होर अज्जकल जम्मू कश्मीर कल्चरल अकैडमी च डिक्सा  
सैक्शन च मुख्क सम्पादक न ।

### सन्नासर

सैहू मी दिया हीखी कच्छ जियां कोई खंधी जा,  
गासा गी रोआंदा जियां तारा कोई लंधी जा,  
चानचक्क अँगली गी कंडा जियां डंगी जा,  
वासना दा लोरा जियां अक्खियें गी रंगी जा,  
जन्न पवै पानिया च, बधै जियां ओदा घेरा,  
इस्सै चाल्ली सन्नासरा, चेत्ता मिगी आवै तेरा ॥

चाननी च धार संस्कारै दी ऐ हस्सै दी,  
कहानी जोरावरें आली मन जिदै वस्सै दी,  
तेरा ओ गुहाड़ दिक्खी करी जड़ी नस्सै दी,  
रात, काले शौरे रुक्खें खल्ल जाइयै दस्सै दी ।  
अद्धी रातीं गहिया ने भाख लम्मी लाई ही,  
वेदन ओदे मना आली कैसी करलाई ही ?

सबजें दी डब्बिया च मोती ऐ सम्हाले दा,  
घारें दे शलैपे ने ऐ थाहर जियां ताले दा ।  
प्रीतै दिया साधना ने दिया जियां बाले दा,  
पहाड़े दिया आत्मा ने गीत कोई पाले दा ।

धार दे नकबल च सन्नासर बस्स इया—  
 भोरें थमां दूर जियां फुल्ल कोई हस्सै दा ॥  
 कोठे परा छिल्लुएंगी आले अजें भुल्ले नेई,  
 मीठियें दे सप्प लम्मे, काले अजें भुल्ले नेई,  
 मनै विच अक्खियें दे जाले अजें भुल्ले नेई,  
 गीतें ब्हान्ने भेजे दे सम्हाले अजें भुल्ले नेई,  
 शैल रूप दिक्खी माह, नु फिरी कैसी जींदा ऐ ?  
 जीन्दा, तद्धै फट्टे दे लंगार सदा सीन्दा ऐ ॥  
 दिब्ब ऐ शलैपा तेरा, पस्सरें दा बास ऐ,  
 सर कियां मुक्का तेरा, चित्त की दो आसा ऐ ?  
 कोदा ऐ बजोग तुगी, हीखी की नरास ऐ ?  
 आम्मी आं बजोगी, मेरी तेरी इक्कै रास ऐ ।  
 पुछदियां चीड़ां चित्त सूकें ने थमोंदे नेई ।  
 कैदी ऐ शपैल तुगी, इयां मड़ा रोन्दे नेई ॥

### [सन्नासर परता दिता—]

“साधिया, शलैपे दिक्खी मन भरमायां नेई,  
 गल्ल मेरी बेदना दी भुल्लिये वी लायां नेई ।  
 घाऽ ए गरीबिया दे मुडिये जगायां नेई,  
 मेरे चौन्नें वक्खी दुक्ख भुक्खा दे न वस्सै दे ।  
 गीतें ब्हाने जीने आली वत्त विन्द दस्सै दे,  
 मनै दे बोआल विन्द कड्डी-कड्डी हस्सै दे ॥  
 दूरा दा गै घर मेरे सुंदर वभोंदे न,  
 रात-दिन, इत्थें होर चाल्ली दे गै होंदे न ।  
 मोती न ए खारे, जिंदे हार ए परोंदे न,  
 बाहू रा हस्सी लंदे दुख चित्त इंदा कोह्न्दे न ।  
 दुक्खें दी ए कहानी तुंदी समझा च औनी नेई,  
 सुनी जेस्से तुसें रातीं नीन्दर फी पीनी नेई ॥

### अवध-अभ्यास

सन्नासर दे शलैपे दा वर्णन करो ।

इस कथा दा केहूँ वा बन्व तुसेंगी सबनें सा मता चंगा लगदा ऐ ते की लगदा ऐ ?



## भाषा-अभ्यास

[क] हेठ लिखे दे शब्दे दे अर्थ लिखो :—

बासना, जल्ल, लोरा, गुहाड़, भाख, छिल्लू, दिव्व-शलेपा, पस्सरें दा बास,  
रास, घाड़, बत्त ।

[ख] खाली थाहूरें व बशेषण भरो :—

1. रात.....शौरे ह्कखें खल्ल जाइयें दस्स दी ।
2. ....ऐ शलेपा तेरा पस्सरें दा बास ऐ ।
3. सर कियां सुक्का तेरा चित्त की..... ऐ ।
4. द्वारा दा गं घर मेरे..... बभोन्दे न ।
5. भोती न ए.....जिन्दे हार ए परोन्दे न ।

## ज्ञान-बधाषो

अपने अध्यापक कशा पुच्छो जे सन्नासर नां दा थाहूर कुतयें जेनई पौन्दा ऐ ?  
जम्मू प्रान्त दे किश थाहूरें दी जानकारी हासल करो ।  
जिन्दा शलेपा सन्नासर आला लेखा होऐ ।

## दीनू भाई "पन्त"

श्री दीनू भाई पन्त हुन्दा जन्म सन् 1917 च पंथल नां दे पां च होआ  
 'शहर पैहलो पैहल' गे ते "गुजरी" पन्त हुन्दियां शाहकार रचनां न। एहू वी  
 डोगरी संस्था दे संस्थापकें चा इक न। इन्दियां रचनां "गुतलु" [कबिता संग्रह]  
 'भग्गू दी छवील' [लम्मी कवता] "बीर गुलाब" [लघु खण्ड काव्य] "दादी ते मां"  
 [कवता संग्रह] "सरपंच" [नाटक] डोगरी पुस्तक भंडार दे अनमोल रत्न न।

### मेरे देसै दा शलैपा मेरी मस्खीं कन्ने दिख्य

दूरे दूरे तानी जित्थें नजरें दी पौहूच  
 खुल्ले खुल्ले फ्हाड़ें सल्ले जंगलें दी रौस  
 घने घने बूटें पर पस्खरू वसोन  
 गान मिट्ठे सुहाने गीत नमें नित नित  
 मेरे देसै दा शलैपा.....!

घिरी घिरी धारें दे कंगारे पर छाए  
 बदल समुन्दरी सनेहू लेई आए  
 विजली दी जोती सुच्ची आरती बनाई  
 पूजा करि भुकी भुकी बेंठे पैंरें विच्च  
 मेरे देसै दा शलैपा.....!

कुदे उच्चे उच्चे छुम्ब हस्सी हस्सी पौहूच  
 कुदे निक्के निक्के नाडू नस्सी नस्सी बौहूच  
 ढक्कियें दे सिरें पर ठण्डी ठण्डी बा,  
 पंज सत्त राही आई बेंठे बोड़ी हिट्ठ  
 मेरे देसै दा शलैपा.....!

ओ...ओ ! उत धारा कुसै बंसरी बजाई।  
 मिट्ठी मिट्ठी मुरा किश गल्ल समभाई।



ताई पारें नाले भाख चन्ने आली आई ।  
 बूड़े प्रेमें दी मसूरतां इन्दे समां सिक्ख ।  
 मेरे देसै दा शलैपा.....!

जगमे दी भूमि ऐ मेरी प्यारी मां,  
 कुस भूहें कन्ने न्हाड़े लक्खां जस्स गां ?  
 झावरें दे भाव कियां अक्खरें गनां ?  
 कीयां तुक्की दस्सां केहू ऐ मेरे मने विच्च ?  
 मेरे देसै दा शलैपा.....!

न्हाड़े पत्ते-पत्ते विच्च बस्से मेरी जान ।  
 एदे फुल्लें-फुल्लें विच हस्से मेरा प्राण,  
 इमें जन्नी बट्टें मेरी मुन्डा दी पछान,  
 भुक्खा मरी जां भावें मंग्गी खां भिक्ख  
 मेरे देसै दा शलैपा.....!

### प्रश्न-व्यास

1. इत कफता च दीनू भाई पन्त होरें देसं दा शलैपा किस चाल्ली दा बखाने दा ?
2. इमें पंगतिवें दी व्याख्या करो :—  
 कुदे उच्चे उच्चे छुम्ब हस्सी-हस्सी पीन,  
 कुदे निकके-निकके नाइ नस्सी नस्सी बीहन ।  
 जन्में दी भूमि ऐ मेरी प्यारी मां  
 कुस भूहें कन्ने न्हाड़े लक्खां जस्स गां ।
3. इमें पंगतिवें दी तुक मेलो :—  
 (i) ओ.....ओ.....कुत्त घारा कुसै बंसरी बजाई ।  
 मिट्ठी-मिट्ठी सुरा किश गल्ल.....॥  
 (ii) बूड़े प्रेमें दी मसूरतां इन्दे समां सिक्ख ।  
 मेरे देसा दा शलैपा मेरी अक्खीं कन्ने.....॥

### भासा-व्याख्यान

- [क] हेठ लिखे दे शब्दें दे अर्थ दस्तो ते उन्दा वाक्यें च प्रयोग करो :—  
 तानी, रीस, बसोमा, मुहाना, कंगार, छुम्ब, राही, हिट्ठ, सुरा, ताई, चन्न,  
 मसूरतां, अक्खर, प्राण, जन्नी, मुन्डा दी ।

[ख] हेठ लिक्खी दियें सतरें च बचोशन शब्द भरो :—

1. दूरे दूरे तानी जित्थें.....दी पाँह च ।
2. खुल्ले खुल्ले प्हाड़ें.....जंगलें दी रीस ।
3. ....बूटें पर पस्कर बसोन ।
4. बिजली दी जोती.....भारती बनाई ।
5. कुदे.....छुम्ब हस्सी हस्सी पीन ।

### ज्ञान-बधावो

1. डुमार दे शलैपे बारें होर जानका री किट्ठी करो ।
2. जन्म भूमि बारे लखोई दियां हिन्दी, उर्दू आदि भाशायें दियां कोई दो कबतां बी पढो ते जन्म भूमि दी म्हत्ता गी समझो ।



## यश शर्मा

यश शर्मा हुन्दा जन्म सन् 1926 च श्रीनगर च होआ । पर इन्दा बचपन बसोह्ली च गँ बीतेआ । यश शर्मा होर इक कुशल गीतकार.न । इनेँ रेडियो ते स्टैज आस्तै नाटक वी लिखे दे न । इनेँ डोगरी फिल्म "गल्लां होइयां बीतियां" दे गीत मधुकर हुन्दे कन्ने रलिये लिखे हे । अज्जकल यश शर्मा होर रेडियो कश्मीर जम्भू च अनौसर दे ओह् दे पर कम्म करा करवे न ।

### संभ्र सवेरै इक्को चाह्

संभ्र सवेरै इक्को चाह्  
मेरी कंढिया बी कोई बद्दल  
ठंडे मिट्ठे नीर बराह् !

बूटा बूटा तरेहाए दा  
पत्तर पत्तर कमलाए दा

जल थल कर, वर इन्ना वर तू  
सब किश हरा भरा होई जा ! संभ्र.....

मेरे प्हाडे वी कोई सूरज,  
खिड़-खिड़ हसदी धुप्प चढ़ा,  
कोई सीता सीते दी मारी  
करै नि ठुर-ठुर कुतै वचारी,

मद्दी गुज्जर रस्सन-वस्सन,  
चीड़ दा वन चंवर भुला ।

संभ्र सवेरै इक्को चाह्  
मेरी धरती वी कोई लखमी  
पक्के पैरें वस्सी जा !

मेरे मानु रिजकै मारे  
घर छोड़ी नि जान वचारे,  
दरद, बछोड़े, सोचां, भूरे ।  
भुक्ख गरीबी मुक्की जा ।

संभ सवेरें इक्को चाहू ।  
 कोई कवि मेरी धरती नी  
 गीते नें शंगारी जा,  
 गीत लिखे धारें बहारें दे  
 तम पर्वत नदियें-नाले दे ।

सोहल छलपे दे केसें इच  
 अपने हत्यें फुल्ल सजा ।

संभ सवेरें इक्को चाहू  
 मेरी कंविया श्री कोई बदल  
 टुंटे मिट्टे नीर बगह ॥

### प्रश्न-उत्तर

इस कबिता च कवि ने केहू डी चाह प्रगट कीती दी ऐ ?  
 इस गीत नी मू ह, जबानी चेता करो ते जमातें च समाजो ।  
 कबिता दे बूए ते श्रीए बन्ध दी व्याख्या करो ।  
 खाली जगहां भरो :---  
 मेरी कंविया भी कोई बदल.....बराह ।  
 मेरे बछोड़े सोचां भूरे.....भुक्की जा ।  
 मेरे.....खिड़-खिड़ हसदी धुप्प चढ़ा ।  
 कोई.....मेरी धरती नी गीतें ने.....जा ।

### भाषा-व्यकरण

इनें शब्दों दे समानार्थी शब्द हेठ दिती गेदी फरिस्तें चा तालो ते इन्हे  
 सामनें लिखो :---

संभ—

सवेरा—

जलथल—

चंबर—

धरती—

रिजक—

बरद—

बछोड़े—

[ दुःख, बडला, पानी गं पानी, बजोग, भुञ्ज, शाम, बीरी, रुट्टी । ]

### ज्ञान-व्यापार

इस कवि दे होर गीत बी पढ़ो ते मुर लाइयें गाने सिक्खो ।



## केहरि सिंह 'मधुकर'

केहरि सिंह मधुकर होर सन् 1929 च मां गुढा सलाथियां, जम्मू दे इक फौजी घराने च पैदा होए । मधुकर होर प्रकृति दे चतरे न । इन्दे तँ कबता संग्रह न "नमियां मिजरां" "डोला कुन्त ठपेआ" ते "मे मेले रा जानू" । इनें किश संगीत रूपक बी लिखे दे न । इन गी केन्द्री साहित्य अकादमी पारसेआ पंज जहार रपे दा (इ) नाम बी थहोए दा ऐ । एह् अज्जकल मां वडोई च रीहन्दे न ते काव्य साधना दे कर्न कर्न पुरखें दी जमीन जदात दी दिक्खभाल करं करदे न ।

### प्रीत

डूंगी डबरा जन्न पेई  
इक हांआ अजब तमासा ।  
ए लैहूरें दी डार चली ऐ,  
कुस छलिये दिया आसा

जियां भार भरोची बेड़ी,  
लेई भकोले चलदी,  
जां वाऊ दी गोदा दे विच,  
टिम-टिम वती बलदी,

जां कोई हाली, जोग नकारी,  
दिन चडेया सीं तुपदा,  
जियां सौना दी सीरा दा,  
पोह् म्हीनें मुह मुकदा,

भोली भाली प्रीत बचारी,  
भरदी तागें भोली,  
छड़ी नमोशी हत्यें आवे,  
दिखदी जदू फरोली;

अत्यरुच्ये दे वन्दी-खाने,  
 तड़फै कैदी हासा,  
 ए लैहरें दी डार चली ऐ,  
 कुस छलिये दिया आसा ।

### प्रश्न-अभ्यास

1. मधुकर नै इस कवता च कुस तमासे दी गल्ल आखी दी ऐ ? स्पष्ट करेवो ।
2. इने पंगतिये गी स्पष्ट करो :—  
 जियां भार भरोची बेड़ी, लेई भकोले चलदी,  
 जां कोई हाली, जोग नकारी,  
 दिन चढ़ेआ सीं तुपदा ।

### भाषा-अभ्यास

- (क) शब्दार्थ लिखो :—
- डबरा, डार, भकोले, हाली, जोग, सीं, सीर, तांग, नमोशी, छलिया ।
- (ख) हेठ लिखे दे शब्दें च अर्थ भेद दस्सो तें उन्दा वाक्यें च प्रयोग करो :—
- |           |        |
|-----------|--------|
| 1. डबर—   | गत     |
| 2. जन्म—  | बट्टा  |
| 3. डार—   | इज्जड़ |
| 4. जोग—   | पंजाली |
| 5. नमोशी— | बेचैनी |
| 6. छलिया— | फरेवी  |

### ज्ञान-वधाओ

1. अध्यापक कोला सहायता लेइयें समझो जे हाली (करसान) किस चाल्लीं दांढे कन्नै कठन मेहनत करियें (अ) नाज पैदा करदा ऐ ।
2. गलाह, ते हाली दे कम्में बारें तफसीली जानकारी किट्ठी करो ।



## वेदपाल 'दीप'

वेदपाल 'दीप' पुन्हा जन्म सन् 1929 च जन्म च होला। 'दीप' होरें बडियां लरोसुड ते उज्ज कोटि दिवां कवतां मिसी दिवां न पर गजल दे खेप च इन्दा कपना टकोवा बाहूर ऐ। 'दीप' होरें नी "डोगरी गजलें दा बादलाह" ची माजेवा जंदा ऐ। "बस ते मां कजारे लोक" (गजल सवंह) पर 'दीप' होरें नी जन्म कश्मीर कल्चरल अकडमी पासेवा 1969 बरे दा पुरस्कार ची मिले दा ऐ। एह, अज्जकल कवेची ची दैनिक पत्रका "कश्मीर टाइम्स" दे सम्पादक न।

## नमी अजादिये

नमी अजादिये साडे च आ,  
 वेसा गी'समझी लै अपना नै चर।  
 बनिये बरसा, ठंडियां कनियां,  
 सुकके मरीची दे खेतरे बर।  
 प्हाडें मदानें च विछे दा सज्जा,  
 बनिये गवां-बकरियां चर।  
 के होवा जे चिरें देसा गी परतियें,  
 असेई पन्छान, नि विन्द ची डर।

जित्थें जरूरत ऐ लोकें नी तेरी,  
 नमी अजादिये उत्थे नै चल।  
 कडकदी धुप्पा ची खेतरे जित्थें,  
 नंवे पिण्डे माह, नु जोता दा हल।  
 मासा, नै छोन्दी मशीनें च जित्थें,  
 माह, नु ची बने दा लोहे दीकल।  
 उच्चियें माडियें मैह, लें नी छोड़ी,  
 भुत्रा पर विण्ठे दे खेतरे डल।  
 सुन्ने ने जडे दे देवतेई छोड़ी,  
 मिट्टी, ने सने दे लोकें ने रल।

लोई हुन्दे कच्ची नीन्दरा उट्ठी,  
निकले दे; संजा लै परतिये आई।  
खाली बोजे हत्थ पाई ओ बोलेआ,  
“गाड़े पसीने दी इयै कमाई।”

आरती करनेई दीये गी वाली,  
बोली गरीबनी, “करमें दा फल”।  
बड़िये मैह फलें सज्जिये वौहि नयें,  
सुन हां आनिये इन्दी बी गल्ल।  
मैह लें च राती बी सूरज गे चमकें,  
तू कच्चे कोठें दे दियें च बल।  
जित्यें जरूरत ऐ लोकें गी तेरी,  
नभीं अजादिये उत्थें गे चल।

#### प्रश्न-उत्तर

1. इस कवता का भाव स्पष्ट करो।
2. इस कवता के पहिले के खीरले बन्ध की व्याख्या करो।
3. इस कवता के कवि केहू आखना चाहन्दा ऐ ?

#### भाषा-अभ्यास

- (क) इन शब्दों के अर्थ लिखो ते उनेंगी वाक्यों के बतौं :—  
कनियां, सब्जा, माड़ियां, सने दे, आरती, मैह फलां।
- (ख) इन शब्दों के अर्थ के फर्क दस्सने गिले वाक्य के प्रयोग करो :—
- |              |         |
|--------------|---------|
| 1. कनियां—   | ऐन      |
| 2. सब्जा—    | सोका    |
| 3. माड़ियां— | भुगियां |
| 4. आरती—     | दरेआस   |
| 5. अजादी—    | गलामी   |

#### भाषा-अभ्यास

1. इस कवता के लेखक दिवां होर कवतां की पढ़ो।
2. इस कवता का कोई होर मिरलेख सोचिये दस्सो।



## सागर पालमपुरी

सन् 1929 च पालमपुर च पैदा होए के सागर पालमपुरी का बसली नां मनोहर शर्मा ऐ ते "सागर पालमपुरी" हन्दा लिखने का नां ऐ। एह, डोगरी, पंजाबी, हिन्दी, उर्दू, च लिखदे न पर इन्दी खास बन्तर डोगरी भाषा के प्हाड़ी रूप कर्नी ऐ। "प्हाड़ें की रानी" ते कुल्लु रा सवेरा" इन्दिवां प्रसिद्ध कबता न। डोगरी प्हाड़ी च "पीड़ा" नां कर्नी हन्दा कबता संग्रह छपे का ऐ।

### रुत फुल्लां री आई

अम्बड़िए ! प्यूला चादरू रंगाई दे,

रुत फल्लां री आई।

घरत मड़ी मुसकाई ॥

तइके में स्हेलियां ने बाई जो चलियां,

ढोलरूआ गान्दिया जोड़ियां मिलियां,

रंग-बरंगियां भ्यागा रे उगई,

चिड़आं चुर-चुर लाई।

ओ। रुत फुल्लां री आई ॥

अम्बड़िए ! प्यूला चादरू रंगाई दे।

बदलां दे खिन्दडु, धारां पर सजदे,

अड़िजंग-अड़िजंग टम्मक बजदे।

मेलेआं रौनक लाई।

ओ रुत फुल्लां री आई।

अम्बड़िए ! प्यूला चादरू रंगाई दे।

बणां बागां फुल्ल-बूटड हसदे,

मिजो तां बैरियां रे चैते इसदे।

प्रीतू रे जंगलै दिसडु गुवाचा।

निन्द्र बकस गुवाई

ओ। रुत फुल्लां री आई।

अम्बड़िए ! .....

2. म्याना उगरे नै चुरचुर कुन मान्दा ऐ ?
3. बदलें दे सिद्दहू कनेई बुबाच कइवे न ?
4. बाली बाहूर बरो :—

1. बम्बड़िए ! .....बादक रंलाई दे ।
2. बदला दे .....बारा पर सजवे ।
3. बाणां बाणां .....हसदे ।
4. प्रीतू रे जंनलें .....बुबाचा ।

**बाबा-कथा**

(क) इन सवें दे कथं लिखी ते वाक्यं च प्रयोग करो :—

प्युला, बादक, कुस्मारी, तइके, डोलक्या, सिद्दहू, बड़िअन, बम्बड़ि, बिलहू, बूटहू ।

**बाबा-कथा**

1. हिमाचल दे प्रसिद्ध कविनें या परिवे प्राप्त करो ते उन्विषां कथतां पढ़ो ।
2. हिमाचल दे प्रमुख भाहरें दे नां जानो ते उन्वी कँहूरिस्त बनाओ ।



## हरसिंह देव "अध्यात्म"

हरसिंह देव अध्यात्म कृष्ण जन्म सन् 1938 य मलयालम मां दे हां य ह्येका ।  
 यत्, कल्पकम वीह, कमा पुस्तकं य इन्तर्द्वार दे वीह्ये पर कम्म करण कथे व ।  
 इतिहासं रचनां य — 'बकी कथित कथे रत्ने' (कथना संदीह्), 'पुण्ड्रे कोठे' (कथानी  
 संदीह्), 'सरवा रोच' (कथना, नाटक से कथानी संदीह्), 'कथा कथी की कथनी-  
 कथनी' (कथन संदीह्), 'कोरय' (कथना संदीह्), 'संकीर्ण' (नाटक), 'कथनी वा  
 के' (कथानी संदीह्), 'सांकी वरती कथने माह, मु' (कथना), 'के-कीवर' (कथानी  
 संदीह्) । कथनी की कथनी वाहित्य कथनीकी वाक्येका वाक विद्या केन दे ।

### कथना

कुन कथना काहे य वीरता नई ?  
 कुन कथना कुनकेआ जोस अपना ?  
 हेर काहे य दिक्की भयलोए वेडा,  
 जो से निरी उसी वा दोष अपना ।

अस समय पुजारी आं करिवें था,  
 कुत्त कुत्तै मै लीने वा या कोई नई,  
 मन-बीजी बस्ताने अलदेसडे आं,  
 वरी सोचिवें कम्मे नरवाह कोई नई ।

केवरेता चीन नई अर्थे काया,  
 बङ्गारेआ चित्त उस मार कासी ।  
 काही वेरिवें सदा दे पैर मपने,  
 काया कायनी वेह्, डा उस हार कासी ।

अर्थे डीठो, जोरावर दिवें कही,  
 काई कथा बूँह अपना बोड़ेका नई ।  
 काही नादिवें कथे वा कून उरी,  
 नास काहे मै उमें बोड़ेका नई ।

साढ़े जीन्दे ए गल्ल नई होई सकदी ।  
 कैसी भूठे फरेबे च फसे दे ओ,  
 कइ मुण्डी ए नीमी नई होई सकदी ।

वच्चा-वच्चा आजादी दी कदर जानै,  
 राखी देसे दी करना वी जानने आं ।  
 गैं पापी नि कुसै दी पौग इत्यै,  
 चंगे माड़े गी खूब पन्छानने आं ।

### प्रश्न-ग्रन्थास

1. इस कवता दा भाव अपने शब्दें च लिखो ।
2. इनें प्रंगतियें दी व्याख्या करो :—  
 बस अमन पुजारी आं सदियें शा,  
 खुत्त कुसै, नै लैने दा चा कोई नई ।  
 मन-मौजी मस्ताने अलबेलड़े आं,  
 बैरी दोखियें कल्ले नरबाहू, कोई नई ।
3. कवि ने इस कवता दा सिरलेख "अरम" की रक्खेआ दा ऐ ?

### भाषा-अध्ययन

(क) इनें शब्द दे अर्थ लिखो ते उन्दा वाक्यें च प्रयोग करो :—  
 बीरता, भलखोए, अमन, खुत्त, अलबेलड़े, बैरी, दोखी, नरबाह, बेगैरता,  
 बङ्गारेआ, दागी, फरेब, गैं ।

(ख) पढ़ो ते समझो

बीरता—कायरता

दोखी—संदोखी

अमन—जुद्ध

बङ्गारना—सुआरना

बैरी—मित्तर

हार - जित्त

(घ) हेठ लिखे दे शब्दें दे बिपरीतार्थी शब्द खल्ल दित्तो दी फेह् रिस्ता चा चुनियें  
 लिखो ।

बीरता, अमन, बैरी, दोखी, बङ्गारना, हार ।

जित्त, जुद्ध, कायरता, संदोखी, मित्तर, सुआरना ।

### ज्ञान-वधाघो

1. आजादी बारें ते अजादी आस्तें बलिदान देने आले बीरें बारें जानकारी  
 हासल करो । बीरें दियां तसवीरां किट्ठियां करो ।



## पद्मा सचदेव

श्रीमती पद्मा सचदेव हुन्दा जन्म 1940 ई० च जम्मू दे प्रसिद्ध तीर्थ स्थान पुरमण्डल च होया। इन्दे दौ कवता संग्रह छपी चुके दे न - पैहू ला "मेरी कवता मेरे गीत" ऐ जेदे पर इनें गी केन्द्री साहित्य अकैडमी दा पुरस्कार थ्योए दा ऐ। हुन्दा हुवा कवता संग्रह ऐ "तवी ते चन्हा"। पद्मा होर अज्जकल आकाशवाणी बम्बई दे बिबिध भारती स्टेशन च अर्नासर न।

### मेरा मन्दा कियां बुज्भो

छलैपा मेरे देसै दा तुसैं दिक्खआ नेई सुनेआ,  
मेरा मंदा कियां बुज्भो, मेरी हीखी कियां जानो।

पुरे दी वा तुसैं नेई लोरियां गांदी कुतै दिक्खी,  
खेडदी किंगरे नें, कीकली पांदी कुतै दिक्खी,  
तुसैं नेई सौन म्हीने च धनीए दे बदल दिक्खे,  
तुसैं नेई नित्यरें दे सर ते न्हाते दे कमल दिक्खे,  
तुसैं नेई दिक्खियां चम्बे दियां कलियां धरोईऐ,  
तुसैं नेई मोतिए दी वासना लैती खडोइऐ,  
चमेली दा अमर हासा तुसैं दिक्खेआ नेई सुनेआ,  
मेरा मंदा कियां बुज्भो, मेरी हीखी कियां जानो।

तुसैं नेई टिब्बुऐ पर लेटिए गासै नें, गल्ल कीती,  
तुसैं नेई चाननी, चन्नै दे उस हासे नें गल्ल कीती,  
जो उतरै ठंडिया बरफे दे हास्सैं चा चनारें चा  
चन्हां दी तेज-दौड़ै च, बितस्ता दे कनारें च  
डलै दी चाननी च, हिलदे छौरें दी छायां च,  
मभाटै खतरें दे नचदे गोरी दी बाहूमां च,  
मरीदा चान्दिए दा छनकदा दिक्खेआ नेई सुनेआ,  
मेरा मंदा कियां बुज्भो मेरी हीखी कियां जानो।

बड़े हिरली में "बोबो" जालवे गिल्लु नेई दिक्के,  
मेरी अक्ली में घारा हांबदे छिल्लु नेई दिक्के,  
कदें पीता नेई माडें वा छम्बा लाइवे पानी,  
तुसैं प्हाडें दे हीके दी कदें बी पीड नेई जामी,  
तुसैं नेई छिल्लडू सुक्के कुसैं बी इस्तजारी च,  
तुसैं नेई औसियां पाइयां परीली च पसारी च,  
तू कदी चीड कुदरें गिन्तरी पेदी नेई दिक्की ।  
मेरा मंदा कियां बुज्झो, मेरी हीली कियां जानो ।

### प्रश्न-उत्तर

1. अपने देस के कलेंवे वारें पया सचवेच होरें किता चास्ती के उचार प्रकट कीते है न ?
2. कि ककता वा वार अपने कदें च लिखो ।
3. कि ककता वा केहू डा कब तुसैंवी जता पसिन्दा जावा है के की करी जता पसिन्दा जावा है ?

### कविता-उपजाव

(क) हेंड लिखे के कदें के कदें लिखो :—

ऊरियां, मंदा, पुरीदी, लोरियां, किन्दरे, निरबरेदे, सर, चरोइरे, जाल्मा, टिक्कू,  
ऊरे, परीदा, बोबो, गिल्लु, हांबदा, छम्बा, हीके, छिल्लडू, इस्तजारी,  
औसियां, परीली ।

(ख) कीली जगहें च थिया कब चरो :—

1. घरीया मेरे देसैं वा तुसैं.....मेई कुमेवा ।
2. तुसैं नेई चिपरे दे सर ते म्हाते दे कबन.....
3. ऊरें की चालकी च.....ऊरें दी छायां च ।
4. ऊरे हिरलें में बोबो.....गिल्लु नेई दिक्के ।
5. कुसैं नेई औसियां.....परीली च पसारी च ।

### कविता-उपजाव

1. हुम्बर देसैं दे ते करबीर दे कलेंवे वारें जानकारी हासल करो ।



## दुनी चन्द त्रिपाठी

दुनी चन्द त्रिपाठी होर तसील राम नगर दे गां घोरड़ी दे रौहने जाले न ।  
सन् 1944 च इन्दा जन्म होया हा । इन्दी रचना घारां ते फुहारां "दा प्रकाशन  
1974 च होया हा। एहं नज़में दे कल्लै-कल्लै गजलां बी लिखदे न । नाटकें च अभिनेता  
बनने दी बी इनें भी सासी रचि ऐ ।

### बदली

ए बदली लट आप-मुहारी,  
साढ़े पासै बरदी की नीं ।

सागर दी तूं बेटी मोइए,  
चाल तेरी मस्तानी ऐ ।  
आऊं तरेहाया खेतर अड़िये,  
कोल तेरे अत्त पानी ऐ ।

जंगल, जाड़ें, धारें बरनी,  
जित्थै हुन्दी लोड़ नेईं ।  
उनें सरें गी भरनी जाइयै,  
जिनें गी हुन्दी थोड़ नेईं ।

बिन सोचे बिन समझे मोइए,  
पहाड़ गलै कें लानी ऐ !  
छन्दे मिनते नीमी होई होई,  
अपना आप लुटानी ऐं !

जिनें बचरें गोद पसारी  
गोद तूं उन्दी भरदी की नीं ।  
ए बदली लट आप-मुहारी ।  
साढ़े पासै बरदी की नीं ।

चढ़ी चली तूँ ब्हाऊ दे डोलै,  
 बिन्द तेरे मन क्यास नेई ।  
 उनें बगीचें मोती डोलें,  
 जिनें च रौहन्दी बास नेई ।

ए छन्दे कुस करने तेरे,  
 कुस ने गोद बछानी ऐ ।  
 मेरे भा दा अमृत जेका,  
 उन्दे भा दा पानी ऐ ।

कैसी कदर गुआनीं अपनीं,  
 गल्ल कुसँ दी मनदी की नीं ।  
 ए बदली लट आप मुहारी,  
 साढ़ँ पासँ बरदी की नीं ।

### प्रश्न-व्यास

1. कवि ने बदली गी कुस दी बेटी आखेदा ऐ ?
2. बदली कन्नै किस चाल्ली दी शकैत कीती गेदी ऐ ?
3. कवि ने बदली कन्नै अपना किस चाल्ली दा नाता जांडे दा ऐ ?

### भाषा-अध्ययन

(क) हेठ लिखे दे मुहावरें दे अर्थ लिखो :—

नीमे होना, अपना-आप लटाना, मोती डोलना, गोद बछानी, कदर-गुआनी ।

(ख) समानार्थी शब्द लिखो :— जियां : गास = अम्बर, समान,

1. सागर =
2. प्हाड़ =
3. क्यास =
4. बगीचा =
5. कदर =

### ज्ञान-व्याप्यो

1. अपने अध्यापक हुन्दे कगा पुच्छो जे बदल कियां बनदे न ते कियां बरदे न ।
2. सौत महीनै बदलें गी ब्हाऊ दे डोलै चढे दे दिक्खिए इस कविता गी घोखो ।



## चरण सिंह

कवि चरण सिंह हुन्दा जन्म सन् 1941 च तसील साम्बा दे प्रां बगूना च होमा हा । इक गै कवता संग्रह, "जोत" छपेआ दा हा जिसल 28 बरे दी उमरी च इन्दा काल होई गेआ । रियास्ती कल्चरल अकैडमी पास्सेआ "जोत" कवता संग्रह, गी 1966 बरे च नाम दित्ता गेआ हा । इनें प्रयोगवादी कवतां लिखिये डोगरी कवता क्षेत्र गी नमी शैली दिती ।

### लामा-फेरे

शुभ-लगनीं इस घड़िया गोरी,  
कै होई दिनगीर ??  
एह बेला एह घड़ी भागली,  
खुशिये भरी चगर ।  
बाबल हस्सी भाग सराह् दा,  
नेई उस दे घर न्हेर ॥

पर तेरो देह घुटी घुटी की  
मसुआं सुरती साम्भे ?  
गै भक्कै की साह् साह् काह् ला  
पैर पछेड़ा हाम्भे ??

सूहे चूड़े वांहे कलीरे,  
छनकन रुनभुन रुनभुन ।  
फेरे परती सोढ गुआचे  
तां ए बल्ले भुनकुन ॥

जौल प्याजी धरमीं वन्धन,  
कै समभे जंजीर ?  
शुभ लगनीं इस घड़िया गोरी  
कै होइये दिनगीर ??

एह ओ बेला जिसदी आसा,  
दिन बचपन दे रेहूँडे ।  
ए ओ घड़ियां जिन्दे चाएं,  
खेड भलोके खेड्डे ॥

जोवन आया सौ डर जागे,  
छाये चार - चफेरे ।  
जागो-मीटे रातां गेइयां, दिन  
सोचें दे घेरे ॥

चंचल नैन भकी गे आपूं,  
लाजे बेड़ी पाई ।  
पर आसां अत्त चंचल होइया,  
होर वनी गेई फाई ॥

केई बारी मन चानन होआ,  
ते भी न्हेरम-न्हेरे ।  
केई बारीं सुखनें दी बेदी,  
लैते लामा - फेरे ॥

केई बारी ए धूड़-मतूढ़ी,  
मन बस्सी तस्वीर ।  
शुभ लगनीं इस घड़िया गोरी,  
कै होइयै दिलगीर ??

के होया जे ए मूरत नीं ओ,  
सुखने दी मूरत, ?  
के होया जे अज्ज मनां गी,  
ए जचदी नीं सूरत ??

के होया आसैं दी दुनियां,  
रेई गेई वनी-वनाई ?  
मीत मना दे कुसी मिले न  
ए जग होन्दी आई ??



नां रोयां नीं इसलै गोरी,  
जे वावल दी घी।  
जो होआ सो होआ मोइये  
सवर कटोरे पी ॥

वावल घरमी घरम, कमाया  
तुम्मी फरज निवाह।  
मन मन्दर गी लम्बां लाइये  
भूठे भाग सराह् ॥

संयोग बड़े बलवान मिथी लै,  
अगगै रेई तकदीर।  
शुभ लगनी इस घड़िया गोरी,  
कं होइयै दिलगीर १??

### प्रश्न-ग्रन्थास

1. इस कवता दा मिरलेख "लामाफेरे" की रक्खेआ गेदा ऐ ?
2. इस कवता दी गोरी किस कारण शुक घड़िया च दिलगीर होई गेदी ऐ ?
3. जौल कुमी गलांदे न ? उसदा रंग कनेहा होंदा ऐ ?
4. खाली स्थान भरो :—
1. सूहे चूड़े बाहें कलीरे..... रूनभुन-रूनभुन।
2. जौल.....घरमी बन्धन कं समझें.....।
3. केई बारी सुखनें दी.....लैते.....।
4. जो होआ सो होआ मोइये.....कटोरे पी।
5. संयोग बड़े.....मिथी लै अगगै रेई.....।

### भाषा-अध्ययन

(क) इन शब्दों के अर्थ लिखो :—

दिलगीर, भागली, चंगेर, मराहना, देह, सुरती, भक्कना, हाम्बना, प्याजी,  
बन्धन, भलोके, लाज, फाई, घूड़-मत्हूड़ी, जचना, सबर, फर्ज, लम्बा लाना,  
बलवान, तकदीर।

(ख) खाली जगहें च सर्वनाम शब्द भरो .—

1. शुभलगनी.....घड़िया गोरी ।  
कैं होई दिलगीर ?
2. पर.....देह घुटी घुटी की ?
3. ....वेला जिसदी आसा दिन बचपन दे बीते ।
4. भीत मना दे.....मिले न ?
5. जो होआ.....होआ मोइये सबर कटोरे पी ।

### ज्ञान-बचाओ

1. अपने अध्यापक दी सहायता कर्न डोगरे-ब्याह, बारें जानकारी हासल
2. मुडें ते कुडी दे ब्याह, पर गाए जाने आले डोगरी गीत सुनो ते सिक्स



## विश्वनाथ खजूरिया [25 नवम्बर 1906]

श्री विश्वनाथ खजूरिया, प्रो० रामनाथ शास्त्री ते नरेन्द्र खजूरिया हुन्दे बड़-भाई न। डोगरी दे गद्य लेखकें च इन्दा प्रमुख थाहूर ऐ। इन्दी पैहूली गद्य-रचना "अछूत" नां दा, एकांकी ऐ जिसदी रचना सन् 1935 च होई दी ऐ। "सप्तक" ते "डुग्गर दा जीवन दर्शन" इन्दे दौं निबन्ध संग्रह छपी चुके दे न। "नीलकंठ" [एकांकी संग्रह] पर इनेंगी रियासती कल्चरल अकैडमी धमां 1981 बरे दा पैहूला नाम थहोआ दा ऐ। इनें हिन्दी, पंजाबी, उर्दू बगैरा दिएं रचनाएं दे डोगरी च सुन्दर अनुवाद बी कीते दे न, जिन्दे च बत दे दावेदार, इक चादर मैली जमैई, नीला कमल, सांस्कृतिक संस्मरण, ते "उमराओ जान" प्रमुख न। अज्जकल एह आत्मकथा लिखा करदे न।

### गरसाल कोठी [बड़ भाई]

गरसाल कोठें बांगर गै केइयें लोकें गी अपनी पुरानी ते गरसाल बिचार-धारा गी थुम्मनी देई खडेरी रक्खने लेई केई उट्ट-नट्ट करने पौंदे न की जे उंदा भलोका पुराना समां हून परतोई नेई सकदा, ते नमें जमाने कन्ने ओ मेल खाई नेई सकदे। इस लेई जिदगानी दियां कौड़ियां गोलियां ओहू ढालदे गे जंदे न। बिच्चा ओ भाए सुरसरी खादे बरगें बांगर, खोखले होन, पर पुरानी खानदानी दे टस्के नेई छोड़दे जियां कागज भाएं जली जा, पर उस उप्पर छोए, जां लखोए दे अक्खर नेई जलदे। [रस्सी जलने वाला खोआन बी इत्यें पूछ उतरदा ऐ।]

इस चाल्ली दे जिदादिल लोकें दी सम्हाल जुगती कन्ने साम्भी रक्खी लोड़चदी ऐ।

स्थाड़े बड़भाई होर बी [परमात्मा ने उनेई सुरग-धासा दित्ता दा होना ऐ] इस्ती चाल्लीं दे ज्यूड़े हे।

हर मनुक्खें, दा उसदी जरम-रासै अनसार, कोई नां रक्खेआ गै जंदा ऐ। कुसै दा नां "यथा गुण तथा नाम" पौंदा होग। इसदा स्थाड़े पल्लै



काई प्रमाण नेई । आम तौर दिक्खने च इयै आया ऐ, जे जोस्ती होई गिनतरी मतावक जरम-रास कन्ने मेल खंदे अक्खरें दी नीह्, उप्पर न खंडेरया जंदा ऐ । मन्नी लौ "ज" ते "न" दे अक्खरें कन्ने जुड़दा न रखांदा ऐ-जगन्नाथ "जां जगत नरेण" नां रखने अक्खरी गी इस गल्ला द जिम्मा नेई जे जगन्नाथ ने वड्डे होइयै सच्चें गै "जगत" उपर राज करन ऐ, जां दिनें दर-दर भिक्ख मंगनी ते रात फुटपाथै जां कुसै हट्टी दे थड़े पर कट्टनी ऐ ।

वड्भाई होई असल नां दा असैं ई पता नेई । सब स्यानें ज्याणे उनेई वड्भाई गलां दे हे । अंदाजा ए ऐ जे, वड्भाई दी अल्ल पैह्लपुज जनानके मैजरखाने च पेई होनी ऐ की जे जनानियां अपने खसमै कशा निक्की उमरी दे परसानू गी "भाऊ जी" ते वड्डी बरेसै आले गी "वड्डे भाई जी जां" "वड्-भाई जी" गलांदियां न ते अग्गे चलियै ओह्, बच्चें, जनानिएं ते परसानुए दे सांभे वड्भाई बनी गे । भाएं इयां समझो जे ओ नां "नगर शामलाट" बनी गेआ ।

इक वारी पसेरी-पसारिये असें उंदा असल नां पुच्छेआ, तां पैह्ले ओ अक्खी मीटियै चुप रेह्, ते फी अक्खीं खोलियै ते ठंडी-लम्बी सूक सुट्टियै बोले : "अपना नां । पुत्तर जी । ओह्, ते अस, अपनी सुरगवासन धरैआलीं दे फुल्लें साथे गंगा जी इच प्रवाही आए दे आं ।" ते फी ऊपरले तौर पर मुस्कराइयै गलान लगे ..... "असल नां तो परमात्मा दा है बेटे ! वाकी सब रक्खें-रखाए दा सौदा है, जो है सो ।" ते इसदी दलील ए दित्ती जे कोई छें आँगलीं वाला होआ तां खोआन लगी पेआ "छांगा राम" ते वसोए आले ध्याइँ जरम लै, तां उसदां नां पेई जंदा ऐ "वसाखी शाह्," जां वसाखा सिंह ।" इक मोकला गड़ाका-मारेआ ते फी गलाया : "इसकरी हमारे को इस वड्भाई नां उप्पर कोई उजर नेई ।" असें वी इस वारै मती परचोल नेई पाई बो ऐ खतीला ते वनेआ गै रेहा, ते उनें लाड़ी दे "फुल्लें" साथे अपना नां किस चाल्ली प्रवाहेआ होग ते फी इन्ना भारा दुख-कसाला कियां ढाली लेआ होग । आखदे न हलाहल विख पी जाने करी शिवें दा कैंठ नीला-सरबल होई गेआ हा ते उंदा नां गै "नीलकैंठ पेई गेआ हा, पर वड्भाई होंदी नोहारी पर इस वजोगै दा कोई लस्स, कोई नशान नेहा लभदा । उंदी बोली गंगा-जमनी ही । डोगरी कन्ने ओह्, विंदरावनी शब्द वी उइसी चलदे हे । विच विच ओह्-नजरपट्टू आंगर, "जो है सो" वी



नथी करी लेंदे हे । ते कदें मौजे इच आइये फोहू इ मारदे, तोहे हीरन का कंठा पहिराए देंगे ।”

इस वारें उंदे लंगोटिए गार-फिसरे बड़कुलिए ने दस्सेआ हा, जे घर जोआनी च स्त्री-वजोग लगने करी ओ घर छोड़िये इक रास-मंडली कन्ने जाई रले हे ते खासा चिर मथरा-विदरावन विचें सज्जल होई घर, परतोए हे । अदू कशा उंदी बोली उपर एकड़ा रंग चढों दा हा ।

उनेई ऐसी खो ही जे अपनी गहूली च नें टकांदे नें ओ सडन लगी पौंदे हे । किश लोकें दा ब्याल हा, जे मता कौड़ा ते बलखी तमाकू ते सुल्फा पीने करी उनेई खंग होंदी ही । पर सदरो मरासन इसदा किश होर गे लाना लांदी ही ते इक रोज उस मीरजादिये गलाई गे छोड़ेआ हा, “बड़भाई जी, बड़ी खचरी खंग छिड़ी ऐ ..दिकखेओ कुतें ..……।”

गल्ल मुक्कने कशा पेंहू लें गे बड़भाई होर सदरो दी मशकरी समझी गे ते उसदे कच्छ आइये बल्ले जनेई बोले : “तेरा नां वी सदरो ऐ ते तू हें वी “सदर” पर इत्थें ऐसी कोई गल्ल नेई है, जो है सो ।”

अपनी हानी दी जनानिए कन्ने उंदा हासा मखौल चलदा गे रोहू दा हा । आखदे न इक वारीं उनें इक पन्छानू विषवा गी बुद्ध-सोहागन होने दी सीस हसदे-हसदे देई छोड़ी । जनानी ने अपने पेरें दा पणोहू खोली ते उंदे पिच्छे लगगी, तां दंद रीकिये ते कन्ने हत्थ लाइये, बोले : “डोडी दी ताई, भलेखा लगगी गेआ ..अगड़दाई ऐसी गलती नेई करइ” । इयां गे इक होर जनानी ने, खट - मिट्ठे रोहू कन्ने उनेई तर्क कराई ही : “हून बुड्डी वरेसा टंडरन लगा एं, लक्कड़ा । इन्नी प्रग्न ही तां पेंहू लें मरना हा नां । उसलें गेआ हें, सिर सा आहू, पाइये ..……”

बड़भाई होंदा होलिया लगभग इस चाल्ली दा हा :

कह-बुल उंदा किश गोंडा ते इक लत्तें च थोड़ा लअ हा । रंग सारा उगघड़े दा; चेहरा चघेर आला लेखा छेल भरे भरे दा, ते नक्क छेल डालम हा । मुच्छा उंदियां, मैही दे बैरेसिडें, आला लेखा, ओठें दे पूरें पर बाइं कुंठ जन मारदियां हियां । उपरली दंदराल दे सामने वाले दीं जां शाक चौं दंदें गी सुन्ने दियां रेखां लगगी दियां हियां, जेड़ियां हसदे होई मत



कारा-जन मारदियां हियां । नक्कै दी नुतरी हिट्टे दे उंदी मुच्छे दे वाल, पलै पलै नसवारी दा मुडका लाने करी पीलतनी पर नसवारी फिरी गेदे हे, जेहे मिगी विद नेहे भांदे । मुच्छे दे वाकी वाल गरड़-मरड़े फिरी आए दे हे ते उदियां विल्लियां विल्लियां अक्खी दिक्खी मन नेहा रजदा ।

बड़भाई हुंदी स्हाड़े पर बड़ी किरपा ही, की जे घ्याड़ी च चार पंज बारी तमाकू दी चिल्म लेई अस गोहूटे दी अग्न अपने घरा आनी दिदे हे ते बाजार दा सौदा वी आनी दिदे हे । बदले च ओह्, असेंगी कुज्जे दी मिसरी-बदाम जां होरें कोई वस्त देई छोड़दे हे । कदे गड़ाका मारिये असेई "ममोले दा फंग" देने दा बुत्ता वी दिदे हे । पुच्छने पर उनें दसेआ हा जे ममोले दा फंग जिस कच्छ होए ओ सारेंगी दिक्खी सकदा ऐ, पर आपू गी नजरी नेई औदा ते उसदी हर कामना पूरी होई जेदी ऐ ।"

अस मुट्ठी वट्टिये चतेदे जे कदे ओ फंग असेई श्हांई जा तां केंसी मौज बज्म । अल्फलैला दी कहानिए आला लेखा स्हाड़ियां वी कहानियां बनी जान ते असेई किसे चीजे दी लोड़-थोड़ नेई रवे । पर अफसोस, जे नां कदे बड़भाई हेंदि हत्य ममोला आया ते नां गे असेई ओदा फंग गे श्हांजा ।

ते कदे उंदी बशकीश दूई भेठ बागां मोड़दी ते इक बांह परेडी चुक्किये एक होर सटल्ला मारदे :

"बेटे ! तोहे हीरन का कंठा परिहाए देंगे ।"

ते एकड़ा लारा-लप्पा वी मोड़डा जंदा जंदा, आखर "दाखल दफतर", होई जंदा ।

साध-संते दी संगतो करी, जां खवरै छड़-मछड़े होने करी ओह् "स्वयं पाकी" होई गेदे ऐ । .....कुसे दे हत्ये दी वनी दी कच्ची रसो नेहे खंदे, हां तसमेई, मालपूड़े, पूरियां जां दूए पकवाने दे वारें च एकड़ा निजम विल्ला पेई जंदा हा ।

उंदी सारी घ्याड़ी दी कार-किरत इस चाली दी ही : पिछलै पैहूर उट्टिये ते हत्य-मूह धोइये तेरां चूटियां बेहा पानी पींदे हे—किश जाते रस्तै ते किश नसै रस्तै । फी तमाकू दी चिल्म सीकदे हे ते फी सतार लेइये गान लगदे :



“खेडन दे दिन चार निं माए ... ..”

उंदी वरेस भाएं ठली चुकी दी ही, पर रेहाऽ उंदी शैल उच्चरी कंठ सरीला हा। उंदा गीत मुनियै छन्ड गोआंड उठी खडोंदा हा। पूज पाठ इच ओहू, त्रै-चार घड़ियां जरूर लांदे हे। जपगुथली च हत्थ पाइयै उ मनके फेरदे ते आए गेकन्ते गल्ल-कत्थ बी करदे जंदे हे। इक-अध व पूजा दा उटिठयै न्योड़े आली पतीली-गी रेड़ा बी देई लैंदे हे।

दपैहूरी उंदी बैठका चौपड़ जां शतरंजे दी चौकड़ी भखदी ही खेडे कशा मती मजेदार हंदा ही खडारिएं दी टिकचर वाजी। शतरं दे हार बी खडारी हे पर जो रस वड़भाई ते फिसरे बड़कुलिए दी खेडे औंदा हा, ओहू, हीर कुतै नेहा औंदा।

इक दिन वड़कुलिए ने वड़भाई दे पादशाहू, गी “घोड़े” दी शै दिती ते लम्मी रेहा लाइयै गान लगा :

“पिच्छें सैंख अगि ठोल, लाड़ा मंगदा तमोल... शैहू, विच व भाई होरें थोहूड़ा चिर सोचेआ ते फी वड़कुलिए दे “पादशाहू” गी जवा शैहू, देइयै हार उच्चा गड़ाका मारियै बोले :

“लाड़ा मंगदा तमोल ... वच्छी खुंडिया दा खोल ...” अप खोती [शतरंजी “घोड़ा”] पिच्छें कर फिसरेआ ...”। एकड़ी गल्ल : वड़कुलिए दी नकल करदे होई नककै च गलाई ही।

इस बैठका च नमी पुरानी गल्लें दी फरोला-फरोली बी होदी हं किश लोक पुरानी गल्लें गी चेतै करिये भूरदे हे ... ” ओ पुरानियां खुरा ... ओ सिरी पुला, तेलिए माहू, तिल-वांड-खसखास ते मेथरें अ लुगड़े ... कुत्थें, ते ओकड़े खलेइए वी नेई रेहू जेहू, डे कढ़ाई कढ़ाई तसां इक बैस्कै पर बैठे दे, गरड़-गरड़ करदे ढाली जंदे हे ते भठोरे सैं वक्खरे’ दूआ बोहासरदा। “ओ पुराना लावा, पुरानियां शोकां नेई रेइयां, वड़भा जी ! कोई परहेज नेई कोई ...” जिस चाली कुसै बूटे पर बैठे पक्खरू चुंजे-चुंजे अपने फंग फरोलदे न, इयां गै वारी वारी सब अप दुखड़ा, अपना भूरा फरोल न लगदे : इक गलादा : जमाने गी अग लगी ऐ। वड़भाई ! अज्जै कल्लै दे जागत सिरै पर “पान” जां अर्घा नेई कढां

लम्मे-लम्मे वोददे रखदे न । दाढ़ी-मुच्छां इस चाल्ली साफ करान लगे न, आखचें भदर कराई दी होऐ ।”

दूआ : स्हाड़ै गोआंड, भड़बालें कुकड़ रखी ले न । किन्ना नर्थ ऐ भाऊआ ।

वड़भाई : रखी ले न तां केह्, होई गेआ । स्यानें दी सिक्ख नेई सुनी दी तोह्, अखें :

“कवीरा तेरी भोंपड़ी गल कटयन के पास ।  
करन गे सो भरन गे, तुं क्यों भैया उदास ॥”

दूआ : आ ते ठीक ऐ वड़भाई : व मिगी कसासा ए ऐ, जे कुकड़ स्हाड़ै बेहूड़ै आई बिट्ठ करदे न ते बिट्ठू उपर पर रखोई जा तां सत्त कुलीं नरक जदियां न ।

त्रिया : स्हाड़ा जागत जात-कुजात नेई दिखदा । हर कुसै कन्ने बेहिये खाई पो लैदा ऐ । उसदे हत्थें कल-कलोतर असेई पिण्ड-पानी कियां पुज्जग ।

व इस्सं चाल्ली कुसै गी ऐहभूरा खा करदा हा जे रंगेजी पढिये उसदे जागत चौड़ होई जाना ऐ ते अपनी गल्लें गी धुम्पना देने लेई ओह् गलांदा तुसं मुने दा नेई वड़भाई जी अखें :

आव आव कर मोआ वच्चा-फारसिएं घर गाले ।” ते कुसैगी इस्सं गल्ला दा चांडा खा करदा हा जे जनानिएं इच ओह् पहला सतर पर्दा ने रेहदा

वड़भाई होर साड़ियां गल्लां मुनेदे ते अखीं भीटिये कुसै डूंगी सोचि च पेई जंदे । उंदे मने च किन्नी खौदल मची दी हौंदी ही, उसदा लाना इस्सं गल्ला थमां लग्गी सकदा ऐ जे, थोड़े चिरें उंदे ओठ ओपरे जनेह्, कन्ने फरकने लगदे ते सज्ज हत्थे दिआं औंगलीं इस चाल्ली “तुस-तुस” करन लगदियां, आखचें कोई मदारी अपने थैले विच्चा ढाके बंगाले दा चरल तुप्पा करदा होऐ । ते फी अपनी मीटी दी अखीं खोलदे, ते लम्मा ठंडा साह् भरिये गलांदे :



सज्जनो ! तुसाड़ा दुख कसाला ओ समझा करनी । अपने याह, र  
तुस वी ठी कला करदे ओ, पर इस इच मरोड़ी ए ऐ जे तुस इस केड़े समे  
दा रौं नेई दिक्खा करदे-नमें जमाने दी नाइ नेई पछाना करदे । मेरी गल्ला  
दा रोह, नेई बुझेओ । हून स्हाड़ा ओ भला भलोका समा लंघी चुक्का  
दा ऐ । स्हाड़ी पुरानी विचार धारा, ओह, पुरानी राह, रीत पुरानी कोठी  
आला लेखा गरसाल होई चुक्की दी ऐ । इसदे बगें ते शह, तीरे गी पुरानी  
सोचें दी सुस्सरी विचों-विच खोखला करी गेदी ऐ । इस दियां कंधां  
कुतेआ लक्कियां, कुब्बियां होई चुकी दियां न । इस गरसाल कोठी ने  
ढौना-गै-ढौना ऐ ।”

तुसाड़ा भलोका समा हून परतिये नेई ओना । तुस जिन्ने मरजी  
भूरो, रोवो रड़ाओ” आक्खनै गी ओह, एकड़ियां गल्लां आक्खी ते छोड़दे,  
पर उंदे भेती जानदे हे जे उनेंगी वी अपने भलोके समे, अपनी पुरानी  
विचारधारा कन्ने वड़ा मोह, हा । पर उंदे च बाद्धा ए हा, जे ओह, नमी  
विचारधारा कन्ने समझौता करिये दिन काटी करना मुनासब समझदे हे ।

अज्ज अस समझने आं जे वड़भाई होर नमे ते पुराने समे दे दमेल  
पर खड़ोते दे हे, जिस चाल्ली रातीं दे न्हरे ते कलदारा बेले दी लोई  
मझैटे भुसमुसा हेंदा ऐ ।

वड़भाई होर जीवन दी कौड़तनै गी गुड़े च गलेफिये ढालदे जा करदे  
हे । संझा बेले औ केसरी “विजया” केसर, वदाम, चारमगजें आली भंग  
[घोटिये पींदे ते उपरा दौं चार “दम” लांदे ते फी गाने दी मैह, फल  
भखदी । इस मैह, फलै च उंदे केई साथी होंदे हे भंडो मरासी, दित्तो दुसाली  
ते जगो भीर । दित्तो दरबारी गवैया हा । वड़भाई होर हर साज बजाई  
जानदे हे, पर सितार बजाने च उस्ताद मन्ने जंदे हे । ए सब किश उनें  
रासधारिएं कन्ने रोहिये सिक्खेआ हा ।] भंडेखां दे तान-तोड़े पर खुश  
होईये ओ बांह, परेडी लोआरिये गलांदे : “वाह, नेई रीसां मीर जादेआ  
तोहे हीरन का कंठा पहिराए देंगे ।”

इसा गै ओ होली दा तेहार वड़ी रीझें कन्ने मनांदे हे । वड़डी होली  
आले ओ अपनी मित्तर-भंडली गी केसरी विजया पल्यांदे ते “ऊह, न  
खेलत हारी ……” गांदे गांदे, पछकारियां भरी भरी रंग सुटदे ते सुं



अलते दा टिकका उंदे मत्थे लांदे । नमीं, पुगानी भाविणं दे घर जाई हो खेडदे हे ।

रातीं उंदी बैठका "होरी कजरी दी मजलस लगदी । वड़कुलिए इक दी होर खास मित्तरे दी जोरदार फरमैश कदें कदें ओह नर्तक आ इक पुशाक लाइयै कत्थक नाच करदे हे । ढलदी वरेसै दे उस कलाकार पैरें दी थिरकन ते अंग-अंग दी लोच दिक्खियै शनाशमंद लोक वी फड़ उठदे हे ।

ठाकरें दे वरतै उपर उनेंई गुड्डे चढ़ाने, पेचे लड़ाने ते गुड्डे लुट्टे दी बड़ी शौक ही । म्हीना भर पैहलें ओ पतंगां, ते गुड्डे वनान ते माभ लान लगी पौंदे । आपूं पेचे लड़ाने परतै ओ गुड्डे लुट्टन लगदे । इस ते उनें एक लम्में टम्मनै कन्ने भिल्लियां वन्नीह, दियां होंदियां हिआं । कटो दे गुड्डे गी ओ इस टम्मनै कन्ने अड़म्बी लैदे हे । इकबारी इस्से चाल गुड्डा लुट्टे लुट्टे ओह, कोठे परा बटोई पे हे ते अपनी लत्त भन्नी बैठे हे ।

कोई जागत छैल पेचा लड़ांदा तां, वड़भाई होर अपने कोठे परा बाहीं लोआरियै जोरें गलांदे : जीते रौह, सूरमे ! तोहे हीरन का क पहिराए देंगे ।"

ओ कदें कदें संस्कृत दा वड़ा मजेदार अर्थ [जां अनर्थ] करदे हे इक बारीं चौकड़ी च बैठे दे उनें "सर्वे भद्राणि पश्यन्तु....." दा अ कीजा हा .....सब लोक भद्रां करान, पच्छ कुसं गी नेई लखगे ..... सुनियै पन्त मंडली हस्सी हस्सी दोहरी होन लगी ही । इस्से मेल इक होर गल्ल ऐ । पक्कं डंगे च तमाकू दी वड़ी मणहर हट्टी ही । हट्टे वाला वड़ा खुश रहना हा । उसने अपने स्पेशल कौड़े तमाकू दा वपारी रक्खे दा हा .....वशीकरण तमाकू । वड़भाई होर उसगी वछी-वन्नत तमाकू आखदे होंदे हे ते इस नां दी सफाई ओ इस चाल्ली दिंदे हे :

"ए वछी-वन्नह, तमाकू म्हातड़ मलंग गै सीकी सकदे न, जिंदे क अंदर हून फकोने लेई किश वाकी नेई रेह, दा । होर कोई इसगी छिन्नक कशा पैहलें वच्छी सरहै नै वन्नीह, लै । [मरदें होई मनसने लेई] ।

इन्ने मन-मौजी होंदे होई वी, वड़भाई होर कदें कदें एकड़ा ज्ञान व



बखानदे जे ए संसार नाशवान ऐ । जेहूँड़ा घड़ोआ उस इक रोज भज्जना ऐ.....इक रोज उन्हें अपने मित्तर गी गलाया हा :

“भाई बड़कुलिया ! मेरे आली कोठी बी गरसाल होई चुकी दी ऐ । हून इसदा हारा-न्यारा करने दा समां आई गेआ ऐ.....”

ते इक रोज बड़भाई होर कुम्भ शनान करन चली गे । पर गे ऐसे जे उन्हें मुड़ियै परतोने दा नां नैई लेआ । शुरु शुरु च उंदे जोटीदारें चतेआ, जे कुसै कणीवाले महात्मा दे चरण पकड़ी ले होने न उनें । हून कोई सिद्धी करियै गै परतोडन ते स्हाड़ा ए ख्याल हा जे ममोला पैञ्छी तुपदे-तुपदे, खुशी भाएं हिमालय उप्पर जाई चढ़े होन । हून उनें ममोला लेइयै गै औना ऐ । पर गेदे सबैहूर मता गै चिर होई गेआ ते नां गै ओपरतोए ते नां गै उंदा कोई सुखसांद गै आया तां “अदम पते च, लोकें बड़भाई गी सुरग-वासिएं आले खाते इच सुट्टी छोड़ेंआ !

सै, ए हा उस आदमी दा जीवन-चित्तर, जेड़ा टिचकरवाज नम्बर इक ते उच्चे दर्जे दा कलाकार हा । जिसने अपनी गंठी दा कदें कुसैई पैहा डब्बल नेहा दित्ता । पर हर कुसै गी हीरें दा कंठा पोआने कशा घट्ट फौहूड़ नेहा मारदा । जिसदे हासे-गड़ाके सुनियै, इयां वभोंदा हा जे ओ परमेशरै दी जान्नी आए दा ऐ । पर जिसदे कालजे गी स्त्री बजोगै ने अंदरो अंदरी छाननी करी छोड़े दा हा ते अपना नां, लाड़ी दे फुल्लें साथें गंगा जी इच प्रवाही आए दा हा । जिसनें अपनी इक गै पुराने अकीदे, पुरानी रैहूत बैहूत इच ते अगला पर नमीं चेतना, नमीं लोई पासै बधाए दा हा । ए उऐ आदमी हा, जिसने पुरानी रैहूत-बैहूत कन्ने ममता रखदे होई बी नमी राज-रसम कन्ने समझौता कीता हा जिसदे असल नां दा उमर भर कुसैगी पता गै नैई हा लगा ते निककें-बड़्डें, जनानिएं-मदें, ज्याणें स्याने दा बड़भाई गै खोआंदा रेहा ।

### प्रश्न-प्रभ्यास

1. गरसाल कोठी बारै अपने वचार स्पष्ट करो ।
2. बड़भाई हुन्दा रेखाचित्तर अपने शब्दें च लिखो ।
3. हेठ लिखे दे प्रश्न दे उत्तर लिखो :—

✱ [अ] बड़भाई होर अपने नां बारै केहू आखदे दे ?

[ब] भलोके समें दे लोक कुक्कड़ पालने दे बरोधी की हे ?

[स] भूरी सिंह गी अपने जागतें बारें केहू, गेड़ा हा ?

[द] बड़भाई होरें भूरदे लोकेंगी केहू, सिक्ख मत दिती ही ?

[ज] बड़भाई होर नमी परानी विचारधारा बछकार दमेल जन कियां खड़ोते दे हे ?

4. इन्हे पर मुस्तसर जनेहू, नोट लिखो :—

नमोले दा फंग, हीरण का कंठा, जपगुथनी, बड़भाई दी शतरंजें ती बाजी, बड़भाई दी पतंगबाजी ।

5. बड़भाई बाला लेखा कोई होर तुसैं कुदरें दिक्खे दा होए तां उस बारें पन्द्रां वाक्य लिखो ।

6. इन्हे शब्दें ते वाक्यांशें दा प्रयोग करिये उन्दा भाव स्पष्ट करो ।

मशकरी, गरड़-मरड़े खट्टमिट्ठे, मुल्फा, बच्छाबन्नहू, तमाकू, दमेल, बदमपते, सटल्ला, केसरी विजया, आव, मजलस लगाना, अड्डुम्बी लेना, हलाहल, नीलासरबल, सूरमा ।

1. इस लेखें च बरतोए दे संज्ञा शब्द हेठ दिती दियें खाली जगहें च भरो :

1. सब अयण सेवाने उनेंगी.....गलांदि हे ।

2. बड़भाई हुन्दी साढ़े पर बड़ी.....ही ।

3. बदले च ओहू, प्रसेंगी.....देई छोड़दे हे ।

4. नां कदें बड़भाई हुन्दे हत्थ.....आया ते नां नां असेंगी ओदा.....  
पहोवा ।

5. बड़भाई होर नमें ते पराने समें दे.....पर खड़ोते दे हे ।



## विजयपुरी [ सन् 1952— ]

डॉ० विजय पुरी होर जम्मू दे रौहने आले न । इनें पन्त नगर युनिवर्सिटी यमां वैंटनरी डाक्टरी दी शिक्षा ते ट्रेनिंग ग्रैह्ण कीती 1966 बरे च इनें जम्मू च इक बालसंघ दी स्थापना कीती जेह्ड़ा इक प्रभावशाली संघ हा ते चार-पञ्ज बरें तगर कार्यशील रेहा । इस्सै सिलसिले च इनें बच्चें लेई इक पत्रिका "पनीरी" दे इक अंक दा सम्पादन बी कीता । शीराजा डोगरी च इन्दियां 'किश कवता' ते लेख बी छपे दे न ।

### साढ़ा शरीर-इक अजैबघर

जिस चाल्ली अजैबघरा च अजीब चीजें दा संग्रह् होंदा ऐ, उस्सै आंगर साढ़े शरीरै च बी केई करिश्में भरोचियां वन्न-सवन्नियां चीजां बरीकी ते कारीगिरी कन्ने बनाने आले ने सजाई दियां न । इन्दी भलक मातर दिक्खियै तुसैंगी चवात लगे बगैर नि रौह्ग ।

साढ़ा शरीर इक कारखाने आंगर ऐ । जियां कारखाने गी हिदायतां देने आला इक प्रशासन केन्द्र होंदा ऐ उस्सै चाल्ली साढ़े शरीरै गी बी मौके-मौके उप्पर नर्देश देने आला अंग "दमाक" ऐ । इस्सै दे तैह्त् पूरा शरीर कम्म करदा ऐ ।

शरीरै पर कुदरत ने बड़ी बरीकी ते समझदारी कन्ने इक कोट कीता दा ऐ । ए कोट शरीरै दा ओह् अंग ऐ जेह्ड़ा वाकी सारे अंगे शा तेजी कन्ने बधदा ऐ पर फी बी उन्ने दा उन्ना गै रौहन्दा ऐ । ए अंग ऐ चमड़ी । साढ़ी चमड़ी दा कम्म छड़ा शरीरै दे मासै दी रखवाली करना गै नेई ऐ वल्के इसदे उप्पर वडा बड्डी जुम्मेदारी ऐ । चमड़ी दी तैई च केई निक्की-निक्कियां गिल्टियां चुप-चपीते खूने दी सफाई करन लग्गी दियां रौह् दियां न । परसा खूनै दी भैल होंदी ऐ ते इब्बी चमड़ी राहें गै बाह्र् निकलदा ऐ ।



चमड़ी राहें गै असेगी पत्ता लगदा ऐ जे अज्ज ठंड ऐं जां गर्मी । कोई तुसेंगी चुभ करा तां उसदी पीड़े दा स्नेहा चमड़ी गै दमाकै गी भेजदी ऐ । नैह, ते बाल वी चमड़ी च किश खास गिल्टियें राहें पैदा होंदे न, जेह् डे मनुखी शरीरै दी रक्खेआ लेई बड़े जरूरी अंग न ।

जिस चाल्ली इट्टें दी कन्ध बनदी ऐ ते कन्धें दा मकान बनदा ऐ, इस्सै चाल्ली साढ़े शरीरै दे अंग वी निक्की-निक्की अरबें कोशिकाएं दे किट्ठै कन्नै बने दे न ।

चमड़ी दे किश कम्म होर वी हैन । ए इक चाल्ली दा तेल वी पैदा करदी ऐ । सदियें च जदू परसा नेई ग्रौंदा तदू वी वनेन इक थिन्दै कन्नै मैली होई जन्दी ऐ । इत्थुआं पता चलदा ऐ जे चमड़ी तेल नां दी चकनाहट पैदा करदी ऐ । जिल्द शा, हर पल बेजान कोशिकां, जेडियां सारें दी जिन्दू दी उप्परली तैह् वनान्दियां न, भडदियां रौह दियां न । इस तेल कन्नै रलियै ए जिल्दै दियें म्होरियें गी वन्द करी ओड़दियां न । स्याने लोक न्हीनै दी सलाह् इस्सै करियें दिन्दे न जे इनें बेमतलव कोशिकाएं कन्नै म्होरियें गी वन्द होने शा बचाया जा ।

चमड़ी दी इक खूबी तरल पदार्थे गी जज्व करने दी वी ऐ । चमड़ी गी तेलै दी मालश करने कन्नै एह् चमकीली, लचकीली ते नरम होई जन्दी ऐ । इत्थुआं स्पष्ट ऐ जे एह् तेल अपने अन्दर जज्व करी लैदी ऐ ।

जिल्दै दे हेठ लहुऐ दी खासी मिकदार होंदी ऐ । इत्थें खून बड़ी बरीक नालिएं राहें पुजदा ऐ । इनें नालियें दा जाल बड़ा गै म्हीन होदा ऐ । इयां गै साढ़ी चम्पी हेठ मास वी होदा ऐ, जेह् डा हड्डियें उप्पर बड़े स्हाबै-कताबै कन्नै बनकाए दा होदा ऐ । ए सारा मास गिनी मिथी दियें मासपेशियें दा बने दा होदा ऐ । मुट्टे जां पतले सबनें मानुएं दा शरीर लगभग छे सौ दो मासपेशिएं कन्नै बने दा होदा ऐ । इनें मासपेशियें च इक खास किस्मा दी खंड जिसी "गुलूकोस" आखदे न, कुदरत न साम्बिये रक्खी दी होंदी ऐ ते इस्सै खंड दी शक्ति कन्नै मासपेशियां कम्म करदियां न । मासपेशियां प्रोटीन नां दे पदार्थ दियां बनी दियां होंदियां न । जिन्ना मता इनेंगी प्रोटीन मिलग उन्नियां गै ताकतवर ए होंदिया जाडन ।

साढ़े शरीरै दा इक हिल्लने-भुल्लने आला ढांचा ऐ, जेदे च लम्मी-



छुट्टी, तुरड़ी-मुरड़ी केइयें चाल्लीं दियें हड्डियें दी कुल गिनतरी दो सौ छे [206] ऐ। दिक्खने गी हड्डी वशक्क सस्त चीज ऐ पर एब्बी जीदी कोशिकाएं दी गै बनी दी होंदी ऐ। करीम रोल (Cream Roll) अन्दर जियां नरम पदार्थ भरोए दा होंदा ऐ उयां नै हड्डियें दे विच्च अस्थि-मज्जा नां दा चीकना जनेहा पदार्थ होंदा ऐ। शरीरै दी रक्खेआ गितै अस्थि मज्जा दा चेचा कम्म करने आलियें कोशिकाएं दा जन्म होंदा ऐ। जोड़ियां खून दे जरिये सारै फैली जन्दियां न। कुदरत ने इस्सै चीकने पदार्थ च लोडै बेल्लै जरूरत पूरी करने ताई साम्बिए खून स्टोर नीते दा होंदा ऐ।

दन्द वी हड्डियें दी गै इक किस्म न। इन्दे च फर्क एह् ऐ जे ए भज्जी जान तां जुड़ी नि सकदे। शरीरै दा सारें शा सस्त पदार्थ होंदा ऐ "एनेमल"। ए कुदरत ने दन्दें पर चाढ़े दा ऐ। दन्दें परा इक वारी एनेमल भुरी जां भज्जी जा तां पूरी जिन्दगी ओ फी नि बनी सकदा।

जेल्लै अस टैलीफून राहें कोई गल्ल करने आं तां ओह् गल्ल विजली दियें लैहरें च बदलोई जन्दी ऐ ते जेल्लै ओ लैहरां दूए टैलीफून च पुजदिया न तां उनेगी फी अवाजै च बदली दित्ता जन्दा ऐ। उयां गै साढ़े दमाकै ने पूरे शरीरै कन्नै इये-जनेह् करोड़ें टैलीफून राहें अपना सरबन्ध जोड़े रा ऐ। साढ़े शरीरै च वी विजली हर बेल्लै खिट्टां मारदी रौह् दी ऐ। जेल्लै कोई चीज अस सुनने आं तां ओ दमाकै तगर पुज्जने शा पेह्ने विजली दियें तरंगे च टैलीफून आंगर तब्दील होइयै अपना रूप बदलदी ऐ। दमाक इनें तरंगें राहें गै बुज्भदा ऐ जे असंगी केह् सनोचा दा ऐ।

दमाकै दियां दो वन्डां न-सज्जी बंड ते खब्बी बंड। अक्सर आदमी दे दमाकै दी खब्बी बंड सज्जी बंडे कोला तगड़ी होंदी ऐ। इस्सै करी साढ़े सज्जे अंग खब्बे अंगे शा शेहार होदे न। जिसदे दमाकै दी सज्जी बंड तेज होऐ उस माह्नु दे खब्बे अंग तेज होदे न।

दमाकै च केई चाल्लियें दे डूह्ग होदे न। आखदे न जिसदे दमाकै दे ए डूह्ग भते गैह् रे होन, ओ जन्मे शा गै तेज ते बुद्धिमान होन्दा ऐ।

अक्खियां साढ़े शरीरैक्षा नमुल्ला कैमरा न। इन्दे च आतशी शीशा वी होंदा ऐ। उयै शीशा जिसी धुप्पा रक्खियै कागजै उप्पर सूरजै दी लो सूट्टो तां कागज सड़ी जन्दा ऐ। अक्खियें च अत्थरूं वी होदे न जेह् डे हर



बल्ल थोड़ी मात्रा च पैदा होंदे रौह्दे न ते इनेंगी सेड़ी रखदे न । अत्यरुं अक्खीं दे आन्ने दी धूड़ ते मैल साफ करदे न अत्यरुं नि होन तां अक्खीं पर चप्पा-चप्पा घट्टा जम्मी जा ।

शरीरै च “कन्नै” दा कम्म वी बड़ा जरूरी ऐ । ए सुनने दे लावा मनुक्खी शरीर च संतुलन वी बनाई रखदे न । शरीरै च संतुलन गी बनाई रखवने आस्ते साढ़े कन्नै च इक लैवल ऐ । केई वारी गोल चक्कर मते वारी कट्टो ते सिर घुमकी जन्दा ऐ । इससै लैवल दे अन्दर मजूद तरल पदार्थ दे चक्कर कट्टने करी इयां वभोदा ऐ ।

नक्क वी शरीरै दा जरूरी अंग ऐ । इसदा कम छड़ा खरबो ते वदवो दा सिंघना गै नेई इसदे होर वी मते हारे कम्म न । साह् गी साफ करना ते इसी दना सेक पजाना ते ऐ गै, पर इसदे कन्नै कन्नै रूट्टी पचाने च बी इसदा हत्थ ऐ । खाने आली चीजें दी सगन्ध जेल्लै नक्कै च पुजदी ऐ उसलै दमाक मेह्दे गी तेअर होने दा स्नेहा भेजदा ऐ । मेदा तेअर नेई होऐ तां अस वगैर मर्जी जो वी खाचै उसदा पूरा फायदा शरीरै गी नेई पुजदा ।

शरीरै च इन्ना किश हरानगी भरोचा ऐ जे इसदा अध्ययन करने गी पूरी जिदगी कोई लग्गा रवै तां वी थोह् डा ऐ । असै चमड़ी, मासपेशिएं, दमाक, कन्नै ते नक्कें दिये गै किश खूबिये वारै चर्चा कीती ऐ । अजें जीह्व, स्पर्श, लहु, लसीका, किश गिल्टियां, रूट्टी पचाने आले ते साह् लैने आले तन्तु, लहु साफ करने आली मशीनरी आदि वारै किश बी जानकारी नेई देई सके जिन्दे वारे तुसैंगी जानकारी होई ऐ उन्दे राहें तुस इस शरीरै दी कारीगिरी ते करामातें दा अन्दाजा लाई गै सकदे ओ ।

### प्रश्न-अभ्यास

1. लेखक ने शरीर गी इक अजैवघर की आखे दा ऐ ?
2. चमड़ी शरीरै दे केह् डे-केह् डे कम्म औन्दी ऐ ?
3. शरीर च मांसपेशिये ते हड्डिये दी गिनतरी किन्नी होंदी ऐ ?
4. नक्क, कन्न ते अक्खिये दे कम्मं दा व्यौरा देओ ।
5. दमाक दियां किन्नियां बंडां न ? इन्दा शरीरै दे अंगे कन्नै केह् सरबन्ध होन्दा ऐ ?



अपने अध्यापक कशा शरीर के बाकी हिस्सें वारं-वार जानकारी हासल करो ।

[क] हेठ लिखे दे वाक्यों चा ठीक वाक्यों पर नशानी [✓] लाओ ।

1. साढ़ा शरीर इक कारखाने आंगर ऐ ।
2. स्थाने लोक न्हीने दी सलाह, नेई दिन्दे ।
3. जिल्दे दे हेठ लहुए दी खासी मिकदार होंदी ऐ ।
4. मुट्टे जां पतले सबने मानुएं दा शरीर अनगिनत मासपेशिएं दा बने दा होंदा ऐ ।
5. मासपेशियां खंडू दियां बनी दियां होंदियां न ।

[ख] इनें पंगतिऐं गी समझिएं हेठ लखोए दे शारीरक अंगे ते तस्वें पर मुस्तसर नोट लिखो :—

1. खून दी नालियों दा जाल बड़ा गै म्हीन होंदा ऐ ।
  2. ए सारा शरीर गिनी मिथी दी मास पेशिएं दा बने दा होंदा ऐ ।
  3. मासपेशिएं चा गुलूकोस नां दी खण्ड निकलदी ऐ ।
  4. मांस पेशियां प्रोटीन नां दे पदार्थ दियां बनी दियां होंदियां न ।
  5. दमाकै दियां दो बंडा न-सज्जी बंड ते खब्बी बंड ।
- खून दियां नालियां, मासपेशियां, गुलूकोस, प्रोटीन, दमाकै दियां बंडां ।

## वीणा गुप्ता [अक्टूबर 1950—]

डा० वीणा गुप्ता होर जम्मू युनिवर्सिटी दे डोगरी रिसर्च सेंटर च जूवकर न। इने "डोगरी वाक्य विन्यास" पर शोध प्रबन्ध लिखिये पी० एच० डी० दी डिग्री प्राप्त कीती दी ऐ। इन्दे भाषा-विज्ञान, लोक-साहित्य, डोगरी-साहित्य, आलोचना पर कई लेख प्रमुख पत्रकाएं च छपे दे न। डोगरी सिक्खने आले आस्तै इने "हिन्दी डोगरी वार्तालाप संदर्शिका" "नां" दी इक पोथी लिखी दी ऐ जिमी डोगरी रिसर्च सेंटर ते प्रकाशन कीते दा ऐ।

### समाचार-पत्र (अखबार)

अज्जे दी नमी खबर केहू ऐ।

ए सोआल इक दूए गी मिलने पर उने दिने की पुच्छेआ जन्दाहा वदू अज्जे आला लेखा अखबारां नेई हियां होंदिया। भला सोचो ने सेई, उने दिने खबरा कियां हासल होंदिया होइन। अदू ग्राम तौरा पर गात्रुएं राहें गै इक थाहू, रा दियां खबरां दूए थाहू, र पुजदियां हियां। जेकर कुतै खास घटना होई जदी तां ओदी खबर खास दूते राहें लोकें तगर पजाई गन्दी ही। राजें-महाराजें दे अपने दूत होंदे हे। एहू, लोक दौड़दे-दौड़दे इक दूए गी खबरां देई दिदे हे। सोट्टे गी घुग्घरू वन्निये जेल्ले कोई दूत रोड़दा औंदा तां ओहू, दे लेई रस्ता छोड़ी ओड़दे हे। जेकर खबर तौले गै जानी होऐ तां घोड़े दा इस्तेमाल बी कीता जन्दा हा।

पर अज्ज नेही हालत नेई। संसारें दे कुसे बी हिस्से च कोई घटना होंदी ऐ तां उसै दिन लोकें गी ओहू, दा पता लग्गी जन्दा ऐ।

देस-वदेस दिये खबरें ते घटनाएं दी जानकारी हासल करने दे केई साधन न : जियां, अखबारां, रेडियो, टेलीविजन, टेलीफोन ते तार। एहू, देखी सकने आं, पर किन्ने लोक न जिन्दे कश टेलीविजन-सेंट न। इब्बी गिक ऐ जे रेडियो थमां असंगी वडियां तौले खबरां थहोई जन्दिद्यां न, पर धर इक कश रेडियो-सेंट बी नेई होंदा। टेलीफोन ते तार राहें छडियां मुस्तसर खबरां गै थहोई सकदियां न। उन्दे थमां खबरें दा पूरा ब्यौरा हासल करना



बड़ा मैहू गा पौंदा ऐ । पर अखबारां थोड़े हारे ऐसँ कन्नै गै असेंगी घर बैठे गै देस-बदेस दी जरूरी घटनाएं दी जानकारी देइयै साढ़ा खतोला शान्त करी सकदियां न ।

तुसँ दिक्खेआ होग जे अखबारें च देस-बदेसा दियां ताजा खबरां मिलदियां न । एहू दे लावा इन्दे च खेड-समाचारें लेई बखरा सप्ता होंदा ऐ । इक सफे उप्पर बजारा दे भाहू ते होर दूईयां गल्लां छपी दियां होंदियां न । इक सफे उप्पर सम्पादकी ते दूए लेख छपे दे होंदे न । बडला हुन्दे गै अस वेचैनी कन्नै अखबारा दी निहालप करन लगी पौने आं । अखबार औने पर इयां बभोंदा ऐ अरकें वाकी दुनिया कन्नै साढ़ा सरबन्ध जुड़ी गेआ होऐ ।

तुसँ कदें सोचेआ ऐ जे अखबारां कियां तेआर कीतियां जन्दियां न ? छपदियां कियां न ते साढ़े कश कियां पुजदियां न ? आओ दिखचै अखबारें दे दफतरें च केहू होंदा ऐ ?

अखबारें दे हर दफतरें च दौं विभाग होंदे न : इक सम्पादकी विभाग ते दूआ प्रैस विभाग जां छापाखाना । सम्पादकी विभाग इस दफतरें दा मुखे विभाग होंदा ऐ । इत्थें तुसेंगी काफी लोक अपने-अपने मेज पर बैठे दे कम्म करदे लभडन । इन्दे च जेहूँ प्रमुख व्यक्ति होंदा ऐ उसी सम्पादक आखदे न । इन्दे कश मुख भरा दे वक्ख-वक्ख हिस्से थमां खबरां ते दूए लेख आँदे रौहू दे न । एहू खबरां ते लेखावड़ी तुरन्त अखबारें दे दफतर भेजे जन्दे न तां जे उनेंगी तौले शा तौले अखबारें च छापेआ जाई सके ।

खबरां संवाददाता ते रपोटरें ते खबर-एजेंसियें राहें हासल होंदियां न । संवाददाता ते रपोटर मुख्वा दे सबने हिस्से च फैले रौहू दे न ते जियां गै कुतै कोई घटना घटदी ऐ, ओहू तुरत उस थाहूँ रा पर पुज्जी जन्दे न । ओहू उत्थूँ दी घटना दी ठीक-ठीक जानकारी करियै अपनी अखबारा दे दफतर भेजी दिन्दे न । घटना सरबन्धी खबरा गी बढोबद्ध असरदार बनाने लेई लोक उनें घटनाएं दे फोटू बी लेई लेंदे न ।

घटना सरबन्धी खबरां ते फोटू बगैरा भेजने लेई जेहूँ साधन बरते जंदे न, ओहू न ... टैलीप्रिटर, तार, टैलीफोन बगैरा । इन्दी मदद कन्नै खबरां बडियां गै तौले इक थाहूँ रा थमां दूए थाहूँ र भेजियां जाई सकदियां न । एहू दे लेई टेलस्टाट दा इस्तेमाल बी होन लगा ऐ खबरें गी भेजने दे साधन च एहू इक होर नमीं म्हत्व आली गै ऐ । एदे राहें खबरां होर बी



तौले भेजियां जाई सकदियां न । इस चाल्ली हासल खबरें गी सम्पादकी विभाग च भेजी दित्ता जन्दा ऐ । सम्पादकी विभाग आले इनेंगी से कन्नै बनाई सोआरिए प्रैस च भेजी दिन्दे न ।

जियां गी सम्पादकी विभाग च खबरें भौदिया न, प्रैस आले उनेंगी कम्पोज करिए छापने दी तेआरी च लग्गी जन्दे न । अखबारें दे दफतरा दी जेह डी सारें शा बड्डी खूबी ऐ ओ ऐ समें दा ध्यान रक्खना । जेकर कुते वी कुसै कम्मा गी करने च चिर होई जन्दा ऐ तां समझी लौ जे अखबार दे हर दफतरा दे बाहुर कारां तेआर खडोती दियां होंदियां न जेहडियां अखबारें गी लेइयै उनेंगी दूए शहरें, रेलवे स्टेशनें, डाकखाने ते अखबारां बेचने आलें कश पर्जादियां न ।

एह् अखबारां बडला होने तगर सबनें दे घरें पुज्जी जन्दियां न । अखबारां पजाने च रेलें ते कारें दी गै नेई ब्हाई जहाजें दी मदद बी लैती जन्दी ऐ । रातीं जेल्लै सब सुत्ते दे होंदे न तां अखबारें दी दुनिया जागी दी होंदी ऐ । किन्ना वचित्तर ऐ एह् सब किश ।

[राष्ट्रीय शैक्षिक अनुसंधान ते प्रशिक्षण परिषद् द्वारा प्रकाशित "भारती" भाग II च छपे दे समाचार पत्र नां दे लेख दा अनुवाद साभार कीता गेआ ऐ ।]

### प्रश्न-अभ्यास

1. जदू अखबारां नेई हियां होंदियां अदू इक थाहरें दियां खबरां दुए थाहें कियां पजाइयां जन्दियां हियां ?
2. हून देस-बदेस दिएं घटनाएं दी जानकारी हासल करने दे केहू-डे-2 साधन न
3. अखबारां कियां त्यार होंदियां ते छपदियां न ?
4. अखबारें च किस-किस चाल्ली दी समझी होन्दी ऐ ?
5. अखबार दे केहू लाभ न ?
6. हेठ लिखें दे शब्दें दा वाक्यें च प्रयोग करो :—

परतक्ख, खतोला, निहालप, खबर-एजेंसी, संवाददाता, सम्पादक, ते टैली प्रिटर ।

7. खल्ल दित्ते दे शब्दें दे वचन बदलो :—

राजा, घोड़ा, खबर, अखबार, घटना, छापाखाना, अजेंसी, हिस्सा, डाकखाना, रेल ।



## चम्पा शर्मा [ जून 194' — ]

डॉ० चम्पा शर्मा होर जम्मू यूनिवर्सिटी दे डोगरी रिसर्च सेंटर च डायरेक्टर न । इन्दिया चार कतावां—“डोगरी काव्य चर्चा”, “इक भाक”, “डुंगर घरती” [कवता संग्रह] ते “डुंगर दा लोक जीवन” डोगरी-साहित्य दे प्रमुख प्रकाशन न । इन्दे डोगरी लोक-साहित्य, भाशा-विज्ञान ते डोगरी-साहित्य-आलोचना पर कई लेख, प्रमुख पत्रिकाएं च छपे दे न । अजकल एह, डोगरी रिसर्च सेंटर तिए शोध-योजनाएं पर काम करा करदियां न ।

## मैं-तू-मैं-तू [ संस्मरण ]

इक जुग हा, जवू मनुक्ख जंगलें-जाड़ें ते पशुएं-पक्षेरूएं च रोहू दा हा । जानवरें साईं कच्चा मांस ते कन्दमूल-जेकिश लभदा हा, खाइयें गुजर करी लैदा हा । उसलें उसी पशुएं-जतौरें शा डर बी नेईं सा लगदा । ए समा मनुक्ख जाति दे इतिहास च आदि जुग जां पत्थर जुग दे तां कलें प्रसिद्ध ऐ ।

खुरपा पत्थर जुग च माहू नू पशुएं दियां बोलियां बोली-समझी लैदा होऐ । इस कयन दे संकेत लोक-कथ्यें च पशु-पक्षेरू पातरें दे वार्तालापें गा थहोदि न । लोक कथ्यें च शेर मती भुक्ख लगने पर मांस दुहारा बी मंगी लैदा दस्से दा ऐ । इक डोगरी लोक कथ्यें च ब्राह्मण ते शेर इक दुए कलें दिला दियां गल्लां करदे ते हसदे खेड़दे बलाने गे दे न । गिदड़ जोजरी गी रज्ज लाने दी गल्ल करदा ऐ । सप्प कुसे राजकमारें गी आखदा ऐ जे ओ उसी कैद थमां मुक्त कराई दे ऐ तां जेकिश ओ चाहू ग सप्प उसी देई देग । चिड़ी जने-खने राहू-राहू नू अगें फरयाद करदी ऐ जे ओ उसी जट्टे दी पाई दी फाई चा छड़काई देऐ । ओदे ज्याणें टाहू ली पर बैठे दे वितो ताउदे होने न । वरदे बदलें च इक कां चिड़ी दी मिनत करदा ऐ जे उसदा लूने दा घर घुली गेदा ऐ इस करिये चिड़ी उसगी अपने ककखें दे आलड़े च बिन्द कू वीहू ने गी थाहूर देई देऐ । इक बूजो बादर अम्ब देइयें फुलका ते फुलका देइयें कई चीजां ठगदा रेहा ।



पर जिवां-जियां मनुक्ख सम्यता दे रंगे च रंगोदा गेआ, पशु-जगत  
 क्कन्ने उसबे सरबन्ध दूर होदें गे । जंगलें शा दूर बस्तियां बनदियां गेइयां ।  
 गुं दे सरबन्ध खिनें च थोड़े त्रुट्टी जन्दे न ! माह्नु ने नगरें शैहूरें च  
 गी गी, मैह्, घोड़ा, कुत्ता, बक्करी, बिल्ली, तोता मैना, तित्तर, कबूतर,  
 बकोर आदि रक्खी ले । किश स्वार्थे मूजव ते किश शौक मूजव । अज्ज  
 गो वी स्थिति नेई रेही । शैहूरें च रौह्ने आले ज्याणें जागतें गी केइयें  
 पशुएं-पखेरुएं दे नां वी नेई भाखे ।

इस च वी बिन्दे शक नेई जे बच्चे दी पशुएं पखेरुएं च बडी दिलचस्पी  
 होदी ऐ । उनेंगी जो नन्दे बक्करी, बिल्ली, कुत्ते, गवें-मेइयें दी बोली दी  
 नकल करने च प्राप्त होन्दा ऐ, उन्ना मजा खवरें रस-मलाई, चाकलेट,  
 टाफियां, खट्टा-मिठा चू ते जां फी अम्ब पापड़ खाने पर वी नेई ओंदा ।  
 पशुएं दियें केइयें बोलियें वारें ओ मनमाने अर्थ लान्दे रौह्दे न ।

इस वारें आऊं अपने बचपुने दी गल्ल सनानियां जिसी में अज्जे  
 तकर वी नेई भुल्ली सकी । गमियें दियां छुट्टियां हियां । आऊं अपने  
 ननिहाल गेदी ही । ग्रां थाहूर हा । तदुं ग्राएं च नलके नेई हे लगे दे होदें ।  
 लोक पीने आस्तै खुएं दा पानी लेई ओंदे हे, पर टल्लें धोने आस्तै छप्पड़ें-  
 तलाइयें उप्पर जाना पौंदा हा । इक रोज सबबबन आऊं वी अपनी मासी  
 कन्ने छप्पड़ें पर टल्ले धोन उठी गेई उतथें के दिक्खेआ जे सैल्ले-सैल्ले, पीले-  
 पीले डिड्डुयें दी मैह् फल भखी दी ही । पैह् ले इक मोह् तवर डिड्डू किश  
 बोलदा हा ते पिच्छुआं किश डिड्डू परता दिन्दे हे । फी किश होर डिड्डू  
 होर किश बोलदे हे ।

आऊं बड़े ध्याने कन्ने सुनदी रेही ओ आखैदे हे

“कुन कुन कुन कुन ।

तू तू तू तू ।

मैं मैं मैं मैं ।”

मैं उन्दे बोलें दा इक बचितर गै कयाफा लाया । मैं समझेआ की जे  
 बरसांती रुतें दा सरबन्ध इन्दर राजें कन्ने जोड़ेआ गेदा ऐ, इसकरी डिड्डुयें  
 भाने इन्दर राजें दा ब्याह् जुडी गेदा होंदा ऐ । ओ अपने नमें-नमें, सैल्ले-  
 सैल्ले ते पीले पीले टल्ले दिक्खियें पसोई-पसोई पौंदे न ते ब्याह् जाने



दियां तयारियां करन लगी पोंदे न । मिगी बभोआ, जियां इक मोहू, तबर  
डिड्डू पुच्छा दा होऐ :—

“कुन कुन कुन कुन?” अक्कै आखे दा होऐ :—

“इन्दर राजे दे ब्याह, कुन कुन जाना

कुन कुन कुन कुन ?

किश डिड्डू परता देऐ दे हे—“तू तू तू तू।”

किश गला दे हे—“में में में में।”

अज्ज वी जद्दू कदें बरसांती डिड्डू लभदे न तां अपने मनै च  
डिड्डुयें वी भाषा वी मैहूरम होने आली गल्ले पर हासा उठी अोंदा ऐ, ते  
फी डिड्डू उल्लरी-उल्लरी इयां बोलदें सेई होन लगी पोंदे न.....

“में तू में तू में तू में तू”

### प्रश्न ते धम्मवास

1. पत्थर जुगं दा दूबा नां केहू ऐ ते इसी पत्थर दा जुग की आखेआ मेदा ऐ ?
2. पत्थर जुगं च लोक अपना गजारा कियां करदे हे ?
3. बरसांती रुतं गी डिड्डुयें वी रुत की आखेदे न ?
4. हेठ लिखे दे वाक्यें चा ठीक वाक्य दे सामने ✓ लाओ ते गलत दे सामने  
× लाओ ।

[अ] बरसांती डिड्डू नेई बोलदे ।

[ब] बरसांती गी कोयलें वी रुत आखेदे न ।

[स] बरसांती गुड्डी-गुड्ढे वी पींग लभदी ऐ ।

[द] सोहे चाहू पीने गी मन आखेदा ऐ ।

[प] बरसांती लस्ती पीने गी जी करदा ऐ ।

[फ] बरसांती हर थाहू, र संल्ला संल्ला नजरी अोंदा ऐ ।

### भाषा-अध्ययन

[क] खल्ल दित्ते दे शब्दें ते महावरें गी वाक्यें च प्रयोग करिये स्पष्ट  
करो :—

फरेपाद करना, वित्तो ताना, सबबन, मोह, तबर, छप्पड़ ते गुजर ।

[ख] हेठ लिखे दे शब्दे दे लिंग बदलो : —

बाह्याण, गेर, सप्प, गिदड़, वान्दर, कबूतरी, कुत्ता, धोड़ा, मैना,  
गौ, बकरी ।

### ज्ञान-बधाओ

1. अपने अध्यापक कोला मदद लेइयै बरसांती दे कीड़े-मकोड़े, पक्खरें, घरतमाता, जुगनुएं, सप्पें, विसकलें, भंडारनें, ते बिबुए बारे जानकारी हासल करो ।
2. बरसांती दे भांसमा च केहू-केहू हे तेहार ओदे न ?



## भगवत् प्रसाद साठे [1910-1973]

श्री भगवत् प्रसाद साठे होर डोगरी दे पंहुले, कहानीकार होए न 'पंहुला फुल्ल' इन्दा पंहुला कहानी संग्रह, ऐ, जिसदियां कत्यां सादगी ते भाषा दी द्विस्टी कर्ने लोक-कथें दे नेईं बर्कोदियां न। इन्दा दूआ कहानी संग्रह "खाली गोद" ऐ। इन्दे गद्य दी डोगरी ठेठ डोगरी ऐ जेदे च डोगरी-मुहावरे ते खोभान इयां रलें दे होदे न जियां पापडें च काले मर्च।

### मंगते दा घराट

दों मनें दी बोरी उल्ला च लाइयें, मंगता तमाकू पीन गै लगा हा जे घराट बंद होई गेआ। बै जलो इत लग्गे लैखड़ी। आखिये जले पक्के दा उठेआ ते कूहलै गी दिक्खन लगा। कुथूं नुट्टी होग। करदा-करदा कूहला दे कंडे-कंडे चलन लगा। बरसांती दी रोहूँ दे पानिये कन्ने बरे च दो म्हीने भर चलने आला मंगते दा घराट, ते ओ बी कदें कदें कसाइयें दे जागत बककरियां चारदे-चारदे कूहल ओड़िये मंगतें शा गालीं खंदे हे।

चोइयें दे बिन्वा दा जित्थूं कूहल डक्की दी ही उत्थूं दा गै कुसे ओ जन्न चुक्की लैती दी ही ते पानी खल-खल करदा कूहल छोड़िये फी चोइया च बगा करदा हा। जन्न-तुप्पने शा पंहुलें मंगता ताई-तोआई दिक्खन लगा तां उपरलें पासै खडोता दा महम्मू लब्भा। "बै तो की लाई ऐ मेरी जिद खान ओए महम्मू आ!" महम्मू बरैकड़ी दे फुल्ल चूपी जा ते सुदटी जा, जियां उसने मंगतेई दिक्खेआ गै नेईं होऐ। बी जिसलै मंगता बिद सोहू गा होआ तां महम्मू दी मंगते पासै ताड़ी लग्गी गेई। नेईं ताया, में नि चुक्केआ बट्टा।

"तोहू, नेईं, तां तेरे बब्बे चुक्केआ। तरट्टनूं नि होऐ तां। सुना इल्मदीनेईं तां तेरा पिञ्जरतरोइग ओहू।" बट्टा बनकोइयें मंगता फी घराटे पासै चलेआ तां महम्मू बी नोहाडें पिच्छें-पिच्छें आया। मंगते नर-गेला लैता ते गुड़-गुड़ करन लगा। महम्मू ने बरैकड़ी दियां त्रै चार टालियां



मंगतें दे अगें सुट्टियां लै ताया फुल्ल चूप । जा, आया बड़ा फुल्ल चूपाने आला । भर दपहूरी ताएगी दुःख देइयै तुगी सम ते नि भाई होन । इमें वी कुडी ते भाऊ कन्ने चाह गियां । बुड़-बुड़ करदा मंगता गुड़-गुड़ करदा रहे । महम्मू चूप हा । थोड़े चिरें बोलेआ, "ताया" तूं इन्ना बुड़ा होई गेभां ते कुसं दिन जे टिगट कटाई घोड़ें तां घराट कुन चलाग । इयै गल्ल थी जिन्न उप्पर मंगते वी अक्सीं च कदें-कदें अत्यरुं उठी आँन्दे हे । सच पुच्छो तां घोदा होर कोई वी नेई हा ।

महम्मू उट्ठये जान लगा तां मंगतै उसी रोकेआ—“खड़ो ओए महम्मू, मड़ा जाना नै ।

ताया बकरियां कुतै लहा च फसी जाउन, उनेंई दिक्कां इत्थें तेरे क बैठे दे केहू, लाहू, ऐ । मरी जागा तां घराट कुसै भीरै नै सांभना ऐ ।

“की बं भीरै दे में कोईटके देने न के । जेड़ा कोई इस खरेसा भेरे कम्म घोग उऐ साम्भग एहू, मेरा घराट ।

महम्मू मंगतेई छकांदा हा वो मौके बेल्लै कम्म वी उऐ ओंदा हा । महम्मू गी होर किश नेई, वो चलदे घराटे वी छोड़ा नींदर बड़ी शैल ओंटी ही । जिन्ना चिर घराट चलै महम्मू दे डेरे घराट नै रोहू, न । इल्मदीन इस्सं गल्ला उसी आखदा हा “ताया मरी जाग तां सौन देग तुगी कोई दूआ उत्थें” । भोला महम्मू अपने मनं च समझदा हा जे ताया मरी जाग तां घराट उत्सं दा होई जाना ऐ ।

इकदिन मंगता बलगन लगा ते बलगदा-बलगदा उंचन वी लगी पेआ पर महम्मू नेई आया । सूरज डुब्बे दे वी दो घड़ियां होई गदियां हियां । मंगतै घराटे दे भित्त मारे ते महम्मू वी सुरत सैन चली पेआ । न्हेरा ते ताप मंगतेई ठोकरां करान लगे वो मंगतै हार नेई मनूनी ।

दिनं दी गल्ल होई मुक्की वी ही वो मंगते गी नेई हा पता । साधु शाहू, वी हट्टी गुल्लू भीरै इल्मदीनं गी बोल्ली मारी महम्मू गी सोआलनां ए ताए कच्छ, घराट साम्भने वी नीत ऐ ने रक्खी वी ?

इल्मदीनं गी वी तरारा आई गेआ-अज्जै गेडा नेई गै जान देंग । खाने जोगी स्हाड़े वी बत्हेरी ऐ । इस सा बट्ट के होंदा । गुल्लू मंगतै दा नेड़ोआ हा । गल्ल होई मुक्की इल्मदीनं ते महम्मू दे भा वी, वो मंगतै दे भा वी नेई । महम्मू रोई रींगिये पलेस्टे मारै करदा हा तां मंगता किल्लदा-किल्लदा



घाई पुज्जा । उसने महम्मू गी कुआलेआ, इल्मदीने गी पुच्छेआ, गाली कडियां, ठंडा होआ, जोरें-जोरें गल्लां बी कीतियां, रोएआ बी, रीला पेआ, गोआडियें बी सुनेआ, बो इल्मदीने महम्मू गी ओदे कन्ने नैई गे भेजेआ ।

दूए दिन दड्डे पेहू, रीला पेई गेआ मंगता घराटे दे अंदर मोएे दा पेदा ऐ । राती ओ इल्मदीने दे घर गालीं कडुई करदा हा । उसै परा उनें मंगतेई मारेआ ते चुपचाप घराट सुट्टी आए । लोकें दी जीहू बा उप्पर इयें पढ़ेदा हा ते इस गल्ला गी मता गुल्लू बना करदा हा ।

पुलस आई ते उसने इल्मदीन ते महम्मू दौनें गी हत्यकड़ी साई लेई ते फी लगे तलासी लैन । मंगते दी वास्काट किल्लिया टंगोई दी ही । उस बिच तैहू, कीता दा इक कागद था । सारजट तैहू, खोली ते पढ़ेआ । फी अपने कन्ने दे साथियें सपाइय गी बी पढ़ाया । सारें अपने अपने तिर ल्हाए उनें कागद इल्मदीने दे हत्थ दिता ते आपू उंदियां हत्यकड़ियां खोलिटे चुपचाप उत्पुआ उठी गे ।

### प्रश्न-अभ्यास

1. कहानी पढ़ने दे बाद मंगते दे चरित्रे बारे इस पंक्तियां लिखो ।
2. पुलसा ने इल्मदीन ते महम्मू गी हत्यकड़ी साईयें खोली की लेई
3. गुल्लू भीरें ने इल्मदीनें गी केहू, बोली मारी ही ?
4. इस कहानी च किन्ने पातर न ते उन्दे नां दस्मो ?

### भाषा-अध्ययन

1. खल्ल लिखे दे शब्दें दा अर्थ दस्मो ते वाक्य बनाओ :—  
घराट, बरेंकड़, चोई, छकाना, तरारा ।
2. खाली थाहरें च मंजा शब्द भरो :—  
1. मंगता ..... पीन गे लगा जे ..... बन्द मोई गेआ ।  
2. ताया ..... कुत ल्हा च फमी जाइन ।  
3. इल्मदीनें गी बी ..... साई गेआ ।  
4. पुलस आई ते उसने इल्मदीन ते महम्मू दौनें गी ..... लाई लेई ।  
5. उस बिच तैहू, कीते दा इक ..... हा ।

### ज्ञान-बधाओ

1. अपने अध्यापक कसा घराटे दे बारे च पुच्छो ।
2. बनाव पीहू, ने-वेहाने दे पूए साथने बारे बी जानकारी हासल करो ।

## नरेन्द्र खजूरिया [ सन् 1932-1970— ]

श्री नरेन्द्र खजूरिया डोपरी के प्रमुख कहानीकार होए न। इन्दी वेहती डोगरी कहानी "दिनवार" ऐ। इन्दियां प्रमुख रचनां—इक उपन्यास 'भानी', कहानी संग्रह, 'कोले दियां लीकरां', 'रोचक कहानियां', ते 'नीला अम्बर काले बदल' इक बाल नाटक संग्रह, "अस भाग जगाने जाले जा" न। इन्दिये त्रौ पुस्तकें भी रियास्ती अकडमी पासेजा पुरस्कार बी धोए दे न ते "नीला अम्बर काले बदल" पर इनेगी [मरणोपरान्त] केन्द्री साहित्य अकडमी ने सम्मानित कीता। मूल रचनाएं दे लावा इनें डोगरी ते हिन्दी दिए किज पुस्तकें वा सम्पादन बी कीते डा ऐ।

### की फुल्ल बनी गे डारे ?

सब कोई उसी फिन्कू करी कुआलदे, पर ओ अपना नौ म्हेशा फकीर चन्द गे दसदा ते इऐ लिखदा। बड़ा चुप-चवीता ते शरमाकल समाऽ वा जागत हा।

में पैहू ले पुज्ज दिन उन्दी जमातं च गेग्रा हा। जागत अपने-अपने थाहूँ रे परा खड़ोइयें ना दस्स दे हे।

—धर्म चन्द।

—रमाल चन्द।

—मुन्शी राम।

—शोक राज।

—गलाब चन्द।

—फकीर चन्द, श्रेणी पंचम।

—शाबाश ! बेई जायो।

सारे जागत चुप्प-चाप बेई गे।

—फकीर चन्दा तूँ गल्ल सुन हों।



फकीर चन्द आइयें टैन-शन जन खड़ोई गेआ ।

—फकीर चन्दा तू बड़े मैले टल्ले लाए दे न ।

—“जी, अज्ज बड़लै गे घोते दे लाए हे ।”

—अज्ज बड़लै । कैदे ने घोते हे ?

—सज्जी नै, जी ।

कपड़े पक्क गे मैले नेई हे । सज्जी ने गे घोने करी ओ नीम सलेटी जन पेई गेदे हे । न्हेरी चूका खड़ोने करी मैले सेही होआ दे हे ।

—ते कन्ने तू पुआणा गे स्कूल उठी आया । जोड़ा लाइयें आवा कर ।

—जी, जोड़ा बड़डे होइयें लाड ।

में किश पढ़ाने थमां पुज्ज जागतें नें थोड़ा चिर गल्ल कथ जरूर करनां । उसी गल्लै दे सिरे नै फी पढ़ाने आली तंद गण्डियें सबक शुरू करनी उड़नां ।

—अज्ज बड़लै तुसैं के-के खादा ?

—“लूना ने खनीं ढोड़ा” ।

—“उंजल बेआ भत बस”

—“अद्दा ढोडा ते छाह”

—“कक्ख बी नेई”

—“कणिएं दा भत”

—में त्रकालें जाइयें खानी ऐ, अम्मा आखदी ही त्रकालें.....

—छड़ा साग, साढ़े आट्टा सम्भी गेदा हा

फकीर चन्द खड़ोता-बज्जी दा भत, लून ते पानी ।

—शाबाश ! भाई तुसैं पानी दा नां गे नेई लैता । पानी बी तें साढ़े बड़ी जरूरी खराक ऐ । की है नीं ।

—हां जी ।

अज्ज पढ़ाने आले सबके लेई हून ओ त्यारहे ।

—इक मनुक्खे गी नरोए रीहू, ने आस्तै रोज दुद्ध, फल, मक्खन, पनीर, अण्डे, मच्छी खानी लोड़चदी ऐ । ए इक पूरी खराक ऐ ।

खन्नी-खन्नी ढोंडा जां छड़ा साग खाइयै आए दे पीले-भुस्से जागत रहान जन सुनै दे हे । किश सोचै दे वी होड न गै । के पता मेरा कम्म ते पढ़ाना ऐ । उन्दा पढ़ना, सुनना ते फी रूटा लाइयै घोटी लैना वधीक किश वी नई ।

दूए ध्याइं सबक सनाने दी वारी ही ।

—नरोए रीहू, ने आस्तै असेई के खादा लोड़चदा । ब्हाऊ च चुआ-ठिया जन हत्थ चबू वट्टियै भुल्लन लगी पे । विच-विच इन्नें जोरें मलकारे जन मारंदे हे अक्के मी गै सवाल पुच्छै दे होन-बुज्झो किन्नियां औज्जलियां न । किश अद्ध मभाट्टे टंगोचे दे हे । जेड़े मेरे पुछदे मे लुक छुप जाना आला स्हाव होई जन्दे ।

—“फकीर”

—“असेई नरोए रीहू, ने आस्तै रोज दुद्ध, फल, अण्डे, मच्छी ते पनीर ....” फकीरू फटा फट उगली जादा हा । पूरे दा पूरा सवाल उन्ने घोटे दा हा ।

—मास्टर जी ! इन्ना किश रोज-ध्याड़ी खाने ने आदमी फिटी निं खड़ोए । इक जागतै ने थुक्क नींगलदे होई गलाया ।

—कहा बत जूड़ ऐ । आदमी थोहू डे साहू, व लोक इन्निआं चीजां वसतां खंदे न” फकीरू ने उसी दरण्ड सुट्टी ।

ए सारी गै जमात पढ़ने च सोहू, गी ही । पर फकीरू सारें थमा चढ़दा हा । ओ पट्टी के लिखदा कसीदा कढ़दा हा । जागत अजें सवाल दी रकम लिखी समान्दे तें ओ सवाल कड़्डी उड़दा । कतावा दे अर्थ ते नजमें दे भाव ओ जेल्ले सनान्दा ते भी सेई हुन्दा ओ नई में बोला ना । टोकमा लखाई लिखदे, कदे ओहू, दी विसर्ग ते हलत् दी वी गल्ली नि हुन्दी ।



उन्ने कदें रेल नेई ही दिक्खी दी पर रेल कुन्ने बनाई ते किया बनाई, ते साठे देसा दियां रेलों कतां-कतां गेडे लान्दियां न, उसी सेही हा। उन्ने कोई निकका बड्डा शैहर नेई हा, दिक्खे दा पर जम्मू दा कलकत्ते तगकेहूडे केहू डोहर पौन्दे न ओ सवभै उसी सेही हे। रज्जिये ठोड्डा खाने दा चा भाए कदें पूरा नि होआ पर मकम्मल गजा उसी सेही ही। ओदे बब्बै गी चुक्कं दे दस रपे भाए नेई थोन्दे हे पर खचरे थमा खचरा सूदा दा सवाल ओ ओङ्गलिये पर गिनी-मिथी लैन्दा।

इक कविता पढांदे में तुकवन्दी बारे गल्ल-कथ कीती। दुए दिन फकीरू खासी तुक जोड़ये कविता लिखी लेई आया। एदे परेन्त वी उन्ने कविता लिखी जां नेई मी पता नेई पर सकूलै दी मीटङ्गा च जेल्ले फलोनिंगं दा मकाबला हुन्दा तां एह, तुकवन्दी उसी म्हेशां जतान्दी। इक दिन मीटङ्गा च उन्ने इक फलोनी पाई।

“ए ओ मनुक्ख, सदरेदा खोते।

दुएं गी तारदा, आपू खंदा गोते ॥”

कुसे जागतै थमां वी एफलोनी नेई बभोई। फकीरू गी दिल्ली शैहर तगर थोई रेहा पर उन्ने गलाया—“मिगी आपू इस फलोनी दा जवाब नेई ओन्दा।”

दुए दिन में जमाता “च उसी फलोनी दे जवाबा लेई पुच्छेआ मी मेद ही जे फलोनी उन्ने आपू गण्डी दी ऐ। बड़ा संगदे-संगदे उन्ने गलाया- “तुस मासटर जी”।

“में” में गङ्गा ठोकेआ—“मी फलोनी गै भुल्लीगेई, परतिये फलोनी पाई .....

“ए ओ मनुक्ख, सदरेदा खोते।

दुएंगी तारदा आपू खन्दा, गोते ॥”

—“तू कियां जाची लैता अस गोते खन्ने आं।”

—तुस इक दिन आपू गला दे हे जे तुन्दे “चा गै अफसर, लीडर प्रधान मन्त्री ते कसान बनने न ते जेल्ले में तुसेई पुच्छेआ जे तुसेंगी स्हाड़े

थमां मती पढ़ाई औन्दी ऐ तुस के बनगेओ तां तुसें गलाया हा—अस मास्टर  
आं । असें मास्टर गै रोह्, ना ऐ ।” फी में इक दिन जागतें गी पुच्छेआ—  
“तुसें बड्डे होईयै केह्, बनना मिथेदा ऐ ।”

—“पटवारी”

—में पुलसा दा सपाई

—“सपाई कोला थानेदार बड्डा हुन्दा ऐ, में थानेदार”

—जंगलाती दा गाड

—में सरपंच

—में डागदार [डाक्टर]

—में तसीलदार इक जागतै ने भकदे-भकदे गलाया ।

—में मिम्बर”

—में लीडर”

—में प्रधान मन्त्री [हसदे-हसदे इक जागतै ने आखेआ ]

कुसै जागतै गास्टर बनने लेई नि गलाया ।

फकीरू दी वारी आई—में कवि बनना ऐ । ]”

—मास्टर जी ! कवि बड्डा हुन्दा ऐ जां पटवारी । पटवारी बनने  
आले जागतै ने पुछेआ । में सोचै दा हा कुसै जागतै मास्टर बनने लेई की  
नेई गलाया ।

दूए दिन तार हा । में “नमीं चेतना” दा पराना अंक, घुप्यै लेटे दा  
पढ़ा दा हा । सामनै दरब्बडै च खलदरे दा गदाम ऐ । खलदरे दी मुस्क  
अगें पिच्छें सारे फैली दी ही ।

—ओ मक्कडा के पीपे गी परती परती करे नां । “खलदरे दी दुआई  
दे ठकेदारै दी बुआज आई । ठकेदारी कन्ने-कन्ने आ हट्टी पर बैठे दे गदामा  
पासै दिखदा रोह्, दा, करलान्दा रोह्, दा ते मजूरें गी गाली मुआलीं ठोकदा  
रोह्, दा, तरकालें गदामें व पीपे गिनदा, हसाव लान्दा ते फी खुश होन्दा ।



—ओए तुई आखां नां, के फरोलो-फरोली पाई दी ऐ, तूं पीपा चुक्कना ऐजां खरीदना ऐ ?

—“ए आदमी ऐ वीण्डा । सारा दिन कड़ै-कड़ै में खिजियै । गदाम्भ पासं नजर दिस्ती । फकीरू पीपा चुक्कैदा हा ।

—“नमस्ते मास्टर जी” मेरे कोला लंगदे होई उन्ने गलाया ।

—नगर चलेआं ?

—हां जी तुन्दा किश भार आनना ऐ मास्टर जी ?

—नेई

—ओए पीपा चुक्की टुरी पेआं, परची तेरे प्यो ने कटानी ऐ ? ठेकेदारै ने कुप्पड़ जन मारेआ ।

“ठेकेदार जी परची बी कट्टनी ऐ ।

—कट्टनी निं होर पीपा खुरद-बुरद होई जा तां सकौटी जब्त करान्नां के ।

—मास्टर जी ! ए सौरे के पढे दे न । अज्जै कल्ला दियां पढाइयां ।

—होए ! ठेकेदार फी करलाया, चार आन्ने ध्होने निं ।

—की ठेकेदार जी साड्डे चार आन्ने रेट ऐ ।

—रेट ! कोई एदे पर कण्ट्रोल ऐ ? नेई पुगदे तां पीपा खोल गदाम्भ च । घरा रेट लेई आया ऐ ।”

—“खरी ठेकेदार जी, कट्टो परची ।”

—पर दिक्खें कुतै पीपा तरटदा, पीपे जिन्ना तू ऐ नेई । सो (सोलहें—16) रपें दा पीपा ई ।

दस आन्ने रेट पर ठेका चुक्के दा ऐ । छे आन्ने ए बैठे दा गालिअ कड्डुने दे लेई लैन्दा ऐ । पुज्ज साड्डे-चार आन्ने रेट कड्डे दा हा । बेह दिन न । ठोने आले मते होई गे तां दौं पैसे होर घट्ट होईगे । फकीरू पिट्ट पर डलक-डलक करदा पीपा चुक्के दे गेआ उठी । छे मील डीङ्गा-त्रे रस्ता । इक ठेड़ा लगी जा । इल्लां पौने तगर लाशें दा पता गे नई लगौ ।

प्रकालें, दिए बलदे फकीरू परतोआ । में ठेकेदारें दी हट्टी बैठे दा हा । फकीरू गी साह, चढ़े दा हा । दौड़दा आया लभदा ऐ ।

—देओ ठेकेदार जी पैसे ।

—ठेकेदार की । चोर आख चोर, अस चोर जे होए । माऊ तेरी नें छेअान्ने बट्टी लून लेआ हा । उसी बमार पेदे बी अट्ट म्ही, ने होन लगे न । अस सिर सुआह, पाइये बलगै नेआं ते तूं डण्डा लेइयै आई चढ़ेआ-देओ ठेकेदार जी पैसे । मास्टर जी एह, सोह, रेक्रेण्डे न । चल चल गेह्हा ओ । चुआन्नी पुज्जी, दुआन्नी रेई । ठेकेदारें गी रोह, चढ़ी गेआ हा ।

“ठेकेदार जी ।” फकीरू रूनाका जन होई गेआ—में कल स्कूल फण्ड देना हा ।”

—ओए फण्ड साढ़े सिरै पर देना ई केढी खानदानी दिक्खियै पढ़ा दे ओ । ओए, सोह, रेओ । चाँ बरें बी खलदरा ठोना ते फी बलगै दे केढे निबलेई ओ ?”

फकीरू मुण्डी हेठ सुट्टियै गेआ उठी ।

दुए दिन में एफने कोला फकीरू दा फण्ड जमा करी उड़ेआ । एस गल्ले गी सोए ? अड़े दिनें परैन्त इक दिन ऐतवारें बडले ओ मेरे कोल आया तें अशत करा दा हा । वड़ा निम्मोभान जन आइयै ओ बेई गेआ ।

—फकीरू तेरी माऊ दी के डौल ऐ ? “मेरे मनै” च सक गुजरेआ ।

—“उए डौल ऐ मास्टर जी ।”

—“छेमी दिए कताबें दी तूं चैन्ता नि करेआं, ओ मेरे जिम्मे रेइयां ।

खू: खू: उसी खपू जन लगा । मुहां पर हत्य रखे दे ओ बाहर गेआ उठी । में सोचेआ थक्कन गेआ होग । पर फकीरू परतोइयै नेई आया ।

दुए दिन ओ स्कूल वी नेई आया । त्रीए दिन वी नेई, चौथे दिन वी नेई ।

पंजमें दिन फकीरू दा वव्व भिगी लग्ना । में फकीरू लेई पुण्डा । दुव्वे दी मुग्गली च भरडोइयै ओ जुआन्नी च नै बुह्हा लग्ने दा हा ।



मास्टर जी-ओह्, दी अक्खीं अत्यरुएं च डुब्बी दियां हां—'मास्टर जी' बड़े जतनें दे जोर कूप [चीड़ें दा जाड़, जित्यू खलदरा निकलदा ऐ] लेआ हा। चुक्की-चाड़ी बीह्, पे देइयें ते परें छुन्निएं हत्थ लाइयें आसरमा बनाआ हा। अजें पैह ली छलाई बी नेई ही दित्ती दी। कूप च अगग लगी गई। कूप गेआ अजें होर पता नेई के वखैद पौनी ऐं। के पता किन्ना दण्ड जर्माना पौन्दा ऐ। फकीरू दी माऊगी खट्ट फगड़ दे अट्ट म्हीन्ने होई गे न। घमां हारा नमां तोड़ ऐ। नौ पाइयां मक्कां होइयां हां। नगरा दा नाज ढोई-ढोई घर तोला पितल बी नेई रेही। इत्थें कोई मिनत मजूरी बी नेई। 'संजम्याग' हुन्दी लचार जनानी नी कोह्, दे कोल छोड़िए परदेसें मजूरिया जां। के पता, लाज हुन्दा तां वची गै जन्दी। पर लाज, हुन उस्से दे हत्थ ऐ।

इक्के इक जागत हा.....।

मेरा जात वकोई गेआ।

उऐ कदें, आट्टे दा सरबन्ध बनदा तां ढोड्डे बाही उड़दा।

माऊ दी दिक्ख भाल बी उऐ करदा। अट्टें दिनें सज्जी गड़काइयें माऊ दे टल्ले घोंदा गलांदाकतावा च लिखेदा ऐ जे बमारै नी मैले टल्ले नेई लुआने। कूप जली गेआ तां मिगी दलासा देऐ-बापू पता नि पड़िए में के बननां ऐ तां फी ..... फी बापू तुस दिक्खेओ के मौजां वक्खदिआं न। सब मौजां मरी गेइयां मास्टर जी। अज्ज पंज दिन होए, शा आए दा हा। ओदा नामां दिन-रातीं वधै दा हा। ओ किश माल वच्छा लैन आएदा हा। घर किश बी नेई। हा, वस बमार जनानी, में ते फकीरू। शाह्, ने फकीरू नी गे लाई लेआ.....”

फकीरू दे वब्बै कोला अरड़ मरोई गई। कड़ी नुट्टी पेई खड़-खड़ खड़-मेरीं अक्खीं च मित्ती गै मित्ती भरोची गई।

### प्रश्न-सम्यास

1. नरोई गिजा च केह्, डियां-केह्, डियां चीजां शामिल कीतियां जाई सकदियां न ?
2. इस कहानी च लेखक ने कुस समस्या पर बचार कीले दा ऐ ?

3. इस कहानी के पत्रों का तुसेंगी सबनें थमां केह्ड़ा पात्त चंगा लगदा ऐ ते की लगदा ऐ ?
  4. इस कहानी वा कोई होर सिरलेख दस्सो ।
  5. खाली बाहर भरो :—
1. इक कविता पढ़ादे.....बारें गल्ल कथ कीती ।
  2. फकीरु.....थमां.....चढ़दा हा ।
  3. माऊ दी.....बी.....करदा ।
  4. फकीरु.....माऊ दी केह् डील ऐ ।
  5. भोए फंड.....सिर परा देना ई ।

### भाषा-अभ्ययन

[क] इन सब्बे के अर्थ दस्सो ते वाक्य बनाओ :—

सज्जी, सलेटी, न्हेरी चूक, पुआणा, सम्भी जाना, खटाक, खन्नी, बतङ्गड़, लघरा, तुफबंदी, फलीनी, गड़ाका, खलदर, फरोलना, खुरद-बुरद, जन्त करना, आसरमा, लघार, भरड़, मजूरी ।

### ज्ञान-अध्यापक

1. अपने अध्यापक कोला नरोई गिजा दे बारें च जानकारी हासल करो ।
2. शरीर आस्त प्रोटीन की जरूरी ऐ ते भोह् केह् डिये—2: चीजें च पाई जन्दी ऐ ? अध्यापक की मददी कर्न घोखो ।



## जितेन्द्र शर्मा [ सन् 1931— ]

श्री शर्मा होर सियास्ती कल्चरल अकैडमी दे डिप्टी सैक्रेटरी न । हास्य ध्यंग पर लिखदे होई इन्दी कलम बड़ी म्हारत कर्न चलदी ऐ । इने डोगरी दी पंहली फिल्म गल्लां होइयां बीतिया च नायक दा रोल कीते दा ऐ । इन्हे मते सारे एकांकी ते हासे-व्यंग्य दियां भलकियां बख्त-बख्त प्रकाशनें च छपदियां आबे दियां न ते आफास-वाणी जम्मु यमां प्रसारतः होदिया न ।

### अंतिम इच्छेआ

(संगीत दी लहर)

बुड्ढा—मरी गेआ, हाए मरी गेआ । हुन तेई बचदा । (विन्डके उज्जी आवाज) ए शाह्नी.....

बुड्ढी—(औन्दे होई) जी ओ जी ।

बुड्ढा—हुन कुत्थे जांना शाह्नी चले हुन । अस चले, (बैण करने आले मुने च) "हुन चलआ तेरा शाह्, बड्डे शाह्, हुन्दे कोल । हाय !" जा ओ जी तेई बोल शाह्नी "जी ओ जी" तेई बोल !" हाय ..

बुड्ढी—ए अज्ज तुस कनेइयां चन्दरियां गल्लां करे दे ओ ?

बुड्ढा—सच्च आखानां शाह्नी, रातीं लाला होरे कोई छे फरात्रियां लाइयां होंडन । पता तेई केह्, सोचिये परतोई जन्दे रेह् ।

बुड्ढी—इक ते जली जामे तुन्दे सुखने तेई साह्, लैन दिन्दे ।

बुड्ढा—सारी रात तडफदा रेयां शाह्नी पल भर नीदर तेई आई । जह् मुत्ता गे तेई सुखने कियां औने (तडफदा ऐ) हाय मेरिए माए मरी गेआ ! परतिये मूल लगा ई उट्ठन । सह डाक्टरे गी । तौल कर ।

बुड्डी—हे मेरेआ परमेसरा हुन केहू करां । जागत ते दोऐ वाहूर निकली  
गे दे न ।

बुड्डी—ओ मेरी जिन्द लक्ष्मी ऐ निकलन । तू आपू टैलीफून करिये सब्द  
डाक्टरै गी । नम्बर ते तू भाखा गै । हाय...हाय...

बुड्डी—ओ ते ठीक ऐ पर त्रौ जनानी-मुहानी कियां गल्ल करुडः।

बुड्डी—अपनी धीयै कन्नै गल्ल करदे तुगी केहू खन्दा ऐ ? कोई वी फन  
चुक्कग उसी आक्वेआं सवित्री गी सट्टी देओ ते फी उसी सारी  
गल्ल समझाइयै आखेआं तीले भेज अपने देरे गी नैई तां जतीम  
होई जागी । विधवा ते पैहलें गै होई गेदी ऐ । हाय हाय अम्मां  
जी हाय.....

बुड्डी—खरा खरा (जन्दे होई) बड़ा गै काहू ला सभा गे थोहाड़ा । केहू  
मजाल ऐ जे कदें हीसला करी जान (चनी जन्दी ऐ) ।

बुड्डी—(बैत आन मुरें च) हाय "हीसला कियां करना शाहनी, हीमना  
किया करना ।" हाय..... ए सूल कियां जरनां शाहनी ए सूल  
कियां जरना ।" हाय..... मौती कोला डरना शाहनी मौती  
कोला डरना । "हाय..... (वल्लें नेई भिन खुल्लने दी "ची" जन  
करदी अवाज । बड़ा डरीना संगीत)

बुड्डी—ए ए भित्त कुन्न खोलआ' (डरी दी आवाज) कुन ऐ ? (डरीतें  
संगीत कन्नै-कन्नै कुसै दे टुरने दी छेड़)

बुड्डी—ए कुन टुरा दा ऐ ? कुन ऐ तू ? बोलदा की नेई ? "ओ लाना जी  
तुस ?" आओ आओ लंघी आओ । रक्खो तशरीफ ते कन्नै पेंरी  
पौना । हुक्म करो । कियां खेचल कीती ऐ ? मिक्की लैन आए  
ओ ? खरा-खरा चलने आं । चलने आं पर उयां जाना कुत्थें ऐ ?  
मुरगै इच ना ? मुण्डी कैंसी लहा दे ओ ? तां एदा मतलव ऐ तुन्दा  
नरकें च वासा ऐ । ठीक वी ते ऐ । बड़ी मलावट कीती ही तुस ।  
उयां घट्ट में वी नेई कीती । कोई डर नेई । नरक तां नरक गै  
सेई । कीती दी भुगतनी । खरा इक कम्म करो । तुस घड़ी सारी  
गी फराटी लाएओ । इन्नै चिरे गी में शाहनी कन्नै दां गल्लां



करी लैनां । उमी जमीन जायदान दे वारें समभाई लैनां । चली  
मेरे वरा परी पीना ।

(डरौना संगीत समाप्त)

हाय-हाय मरी गेआ । (उच्चा अवाज) शाह्नी-ए शाह्नी । कैसी  
मूरख जनानी ऐ, लगी पेई होनी ऐ अपनी घीऊ कन्ने चपड़कत्या  
करन । हाय मेरी गेआ (करलाइयै) शाह्नी.....

बुड्डी—(औन्दे होई) विन्द हीसला करो । आवा दा ऐ डाक्टर ।

बुड्डा—पर तूं एडा चिर कैसी लाया ।

बुड्डी—(पूंक मुट्टियै) केहू आखां । होनी दे पर पुट्टे ।

बुड्डा—हून ए वृत्था कैसी मुज्जी गेआ तेरा ।

बुड्डी—जिमनै मसीवत औन्दी ऐ तां ओ.....

बुड्डा—(टोकियै) खबरदार जे कोई भैड़ी खबर सनाई में अगें गै घड़िये-  
पने दा परौहना आं । की लगी एं मेरा पटाका ठोआलन । हाय-  
हाय । जयां होआ केहू ऐ ?

बुड्डी—कदें आखदे ओ भैड़ी खबर तें मुनाएआं ते कदें पुछदेओ होआ  
केहू ऐ ? तुन्दी की किज समझ तेई औन्दी ।

बुड्डा—ओ भोलिये अक्ली काला कम्म लैते कुसै छील डंगा तरीके कन्ने  
मुना जे होआ केहू ऐ ?

बुड्डी—साढ़ी सवित्री ऐ नां ?

बुड्डा—आं ऐ ।

बुड्डी—ओदे चार जागत ते दों कुडियां न नां ?

बुड्डा—हैन ।

बुड्डी—(होठ टुक्कियै) कुडियां मरते जोगिया दमै ठीक ठाक न ।

बुड्डा—ते जागत ?

बुड्डी—जागतें दी केहू, सनां ? चौ जागतें चा त्रीं दा सिर नेई फट्टा ।

बुड्डा—एदा मतलब चौथे दा फट्टी गेआ ऐ । कैमी पलेचदार गल्ल कीती ऐ ।

बुड्डी—तुसं आखेआ हा जे छेल ढंगा-तरीके कन्नं गल्ल सुनाएआं ।

बुड्डा—वडी शैल सुनाई ओ । हाय भरी गेआ । कोकड़े दा फट्टा ऐ सिर ?

बुड्डी—पप्पू दा ।

बुड्डा—पर कियां ?

बुड्डी—वजार जा करदा हा । रस्ते च कोई आदमी मिलेआ ते उसी नाइयें दी हट्टी पर लेई गेआ । उस आदमी ने हजामत करवाई ते फी ए आखिये जे इन्ना चिर जागतें दी हजामत करो में आया, आपू बाहर निकली गेआ । पप्पू हजामत करवाइयें ओन लगा तां नाइयें रोकी लेआ ते आखेआ.....“पैहू लें अपने पिता जी गी आई लैन दे ।

बुड्डा—पिता जी ।

बुड्डी—पप्पू ने आखेआ जे ओदे पिता दा ते चरोकना काल होई गेदा ऐ । ए सुनिये नाई ने पुच्छेआ “तां ओ आदमी कुन हा ?” पप्पू ने जवाब दित्ता—“केहू, पता कुन हा । मिककी वजारा च मिलेआ ते आखन लगा—“काका मुस्त हजामत करानी ऊ ? ते में मन्नी गेआ ।” इन्नी गल्ल सुनिये नाई रोहा कन्नं लाल-पीला होई गेआ ते उन्न भिठकिये आखेआ—निकल इत्थों ।” पप्पू डरे-ब्राहे दा बाहरें गो नट्टा तां उसी तरैहू ट लग्गी ते हट्टी दे थडै परा सिरें भार सिडका उप्पर आनी पेआ ।

बुड्डा—मुस्तखोरी दी आदतें होर केहू नतीजा निकलना हा । हाय-मरी गेआ । सुन शाहू नी ध्यानं कन्नं सुन लाला होर आए हे इत्थें ।

बुड्डी फी लगी पे राइ-वराइयां गल्लां करन ।



बुड्ढा—रौला नेई पा । खबरदार जे हुन मिगी टोकेआ, चुपचाप मुनदी जा । हाय-हाय ए जेह्, डा मकान ऐ नां, ए बड्डे जागतै गी देआं ।

बुड्डी—परमात्मा नेई करै अजें ए गल्लां सोचने दी लोड़ नेई । पर, बड्डा हुन शैल कमा-खा करदा ऐ । मकान निक्कड़े गी गै देना ऐ ।

बुड्ढा—अच्छा ते जेह्, डी जमीन ऐ नां, ओ बड्डी घी जानकी दे नां करेआं ।

बुड्डी—(होठ झुक्कियै) जानकी गी कैदा घाटा ऐ । (रोन आक्की अवाज) बचैरी सवित्री बड्डी दुखी ऐ । इक ते सिरै दा साई नेई रेहा ते उपपरा छे बच्चे न । जिमीं उस्सै दे नां करनी ऐ ।

बुड्ढा—ते जेह्, डा वाग ऐ ओ मेरे भतरिये कमल गी देई ओड़ेआं । ओदा वी किश हक्क बनदा ऐ ।

बुड्डी—नां जी नां, वाग ते में (डुसकियै) अपने भ्राऊ दे जतीम बच्चें गी देना ऐ ।

बुड्ढा—शाहनी ।

बुड्डी—जी ।

बुड्ढा—इक गल्ल दस्स हां । मरा में करनां जां तू । (कुसै दे औने दी अवाज)

बुड्डी—फी लगी पे अ । नसगनियां गल्लां करन । लैओ चुप करो । डाक्टर साह्, ब आई गे न ।

डाक्टर—केह्, गल्ल ऐ शाह्, जी ।

बुड्ढा—हाय मरी गेआ । डाक्टर साह्, ब मेरे प्राण लमे न निकलन, बचाई लैओ । जियां जानदे ओ बचाई लैओ ।

डाक्टर—बांह्, दस्सो नाड़ी दिक्खा ।

बुड्ढा—हाय-हाय-हाय मेरिए माए ।

डाक्टर—शाह्, जी तुस सेआने-ब्याने ओ । तुन्दे कोला केह्, छपैल करनी

ऐ। जिन्ने की इलाज हाई मकदे हे करी बैठों। कोई दवाई-दारु  
नेआ नेई जेह् आ मे तुसंगी नेई दिता। घावरो नेई तां आखां।  
हुन ऐन्त समा आई मेचा से

बुड्ढा—(तड़फिये) नेई-ए नेई आखां। हाय मरी गेआ।

इह्नी—(डुसकदी ऐ)।

डाक्टर—हुन तुसं परमात्मा दा ना लेना चाहीदा ऐ ते जे मने च कोई  
रडक होऐ, कोई अन्तिम इच्छेआ होऐ तां दस्सो। उसी पूरी  
करने दा जतन करने आ।

बुड्ढा—(नैन-प्राण छोडी दिन्दा ऐ। हाँसी नेई वाजै च) केह् आखेआ  
अन्तिम इच्छेआ।

डाक्टर—हां-हां संकोच नेई करो। दस्सो केह् ऐ तुन्दी अन्तिम इच्छेआ।

बुड्ढा—मिगी कुमै स्याने डाक्टरै कोल लेई चलो। हाय.....।

(संगीत दी लेह् र)

### प्रश्न-धर्म्यास

1. नाटक दा मिरलेख, अन्तिम इच्छेआ की रखेजा गेदा ऐ ?
2. "अन्तिम इच्छेआ" एकांकी च केह् डी समस्या गोहाड़ी गेदी ऐ ?
3. एकांकी दे पातरें बारें अपने वचार प्रगट करो ते दस्सो जे तुसंगी केह् डी  
पातर मता चंगा लग्गा ऐ ते की ?
4. ठीक वाक्ये उपपर नशान लाओ [ ✓ ]
  - (क) अपनी धीर्य कन्ने गल्ल कथ करदे तुगी केह् खन्दा ऐ ?
  - (ख) चलनेआं पर जाना कुत्थे ऐ ?
  - (ग) पप्पू नै आखेआ ओदे पिता दा ते काल नेई होआ।
  - (घ) हुन तुमें परमात्मा दा ना लेना चाहीदा।

### भाषा-अध्ययन

- (क) खल्ल दिन्ने दे मुहावरें ते खोआन दा अर्थ स्पष्ट करो ते वाक्यें च प्रयोग  
करो।





## ओम गोस्वामी [सन् 1947]

श्री ओम गोस्वामी होर पैहू ले हिन्दी च लिखदे हे । डोगरी च इन्दे लै कहानी संग्रह, "हाशिए दे नोट्स", "नैहू ते पोटे", "ते न्हरे दा समुन्दर" ते इक बाल एकांकी संग्रह, प्रकाशित होए देब । डोगरी च इने "अम्बर" ना कर्न इक पत्रिका दे बी किशक संक सम्पादित कीते । अम्बर एहू रियास्ती कन्वरल अकैडमी च डोगरी प्रकाशने दे प्रीडर न ।

### घर-घर

#### पात्र

रानो : अट्ठ बरे

कालो : अट्ठ बरे

बबलू : पञ्ज बरे

रमेश : सत्त बरे

नानू : बरेस पैठ बरे

[रानो ते बबलू गुल्ली-डंडा खेडा करदे न]

बबलू—अज्ज में तेरी पिढी भखाई देनी ऐ ।

रानो—आं, मल्ला गल्ले कन्ने ।

बबलू—[लापा लाइयै] ओ गेई आ ।

रानो—कुत्तें गेई ऐ ? ए हां सामने पेदी । मेरी वारी औन दे । दिक्खेआं इयां जाग गुल्ली जियां चिड़ी उडुरदी ऐ । गुल्ली चुक्कियै पेटे पर डंडा फुंडी उड्डी ऐ । दिक्खेआ ।

बबलू—अच्छा, तां के होआ । लेई लै वारी ।

रानो—[गुल्ली गी सट्ट मारिये उपपर चूकदी ऐ ते टोल्ले कड्डन लगदी



ऐ] इक, दो, त्रै, चार ते लै उडुरी आ बिड़ी [खिञ्चयै लापा  
मारदी ऐ, पर बबलू पुड़छी लैदा ऐ।]

बबलू—[जोरें कन्ने] कैच ! कैच !!

रानो—असैं म्हाराज कैच रखे दा गै नेई ।

बबलू—जिल्लै तूं कैच करी लेन्नी हुन्नी एं तां रखे दा होंदा ऐ, नेई ते  
रखे दा गै नेई ।

रानो—अस नेई रोद पान्दे होंदे । जेकर कैच रखना होऐ तां खेड शुरू  
करने कोला पहूले आखना पौदा ऐ ।

बबलू—चंगा बडिये बेबे ! जो तूं गलाएं ओ ठीक ।

रानो—तां मेरा इक जागा बनी गेआ ।

बबलू—किया । जगान पञ्जें टोलें दा रखे दा ऐ ।

रानो—चार टोल्ले में गिने हे ते पंजमां लापा नेई हा के लाया ?

बबलू—नेई भई, तां पंजमा टोल्ला थोहूड़ा होआ ।

रानो—होआ कियां नेई ?

बबलू—रोद पागी तां में नई खेडना ।

रानो—खेडगा नेई तां जागा कुत्थें ? मेरी बारी भगताइयै जायां मल्लू नेई  
ते कुट्ट खाइयै खेडना पौग ।

बबलू—खाला जी दा घर ते ऐ नां ।

रानो—केहू आखेआ ? [कफ कुञ्जियै]

बबलू—अच्छा-अच्छा मारेयां नेई ।

[कालो ओंदी ऐ]

रानो—कालो तूं जागा लाना ई ?

कालो—नेई भ्राविये, तू ऐं खेड जागतें आलियां खेडां ।

रानो—ए जागतें आली खेड ऐ ।

कालो—ते होर कुड़ियें दी खेड ऐ ?

रानो—तुगी वड़ी पता जेह्ड़ा खेड्डे उस्से दी खेड । वाजी आखदे न जेह्ड़ा वरती लै उस्से दी बस्त होंदी ऐ ।

कालो—कियां ?

रानो—जियां कोई छतरी होऐ । छतरी अपने आपे च जनाना मर्दाना थोड़ी होंदी ऐ । ओह, वरतने आली चीज ऐ । उसी भाएं बड़ा वरती लै निक्का वरती लै, मर्द वरती लै, जनानी वरती लै ।

बबलू—ए गल्ल ते सच्ची आखी । शुकर ऐ तेरे च वी इन्ना दमाक ऐ ।

कालो—चलो ठीक सेई पर जेकर कोई ग्रादमी अपनी चीज कुसै दुए कोल वन्दे पाई रक्खे तां केहओ रक्खने आले दी गे होई जाग ? जेकर तेरा कुर्ता में पाई लै तां ओहमेरां होई जाग ?

रानो—तेरा कियां होग ?

कालो—में जे वरती लेभ्रां ।

रानो—मेरी भाई ने दिक्खी लेआ तां भट्ट खुलाई नेई लैग । कन्ने तू ऐमे जानी घप्फड़ खागी ।

कालो—बड़ी आई तेरी भाई ।

रानो—गालीं मुआलीं नि करेयां ।

बबलू—हां, भई वड्डें गी नेई विच्च ऋको ।

कालो—[स्वांग लांदे होई] अजें आखदी ऐ कालो ग्रस भैनां आं ! आ कालो खेडचै [स्वांग लान्दी ऐ]

बबलू—[दौनें दी लड़ाई दा फंदा ठुआंदे होई] मतालवी भैनां ।



रानो—तेरे कोला केहू, लेई लेआ ऐ ?

बबलू—[चेता करिऐ] रपे ! रक्खड़ी बन्नने दे दो रपे नेई हे ले ?

रानो—मठई नेई ही खाददी क तू ?

बबलू—केहूड़ी भुस्त खादी ही । पैसे दिते हे दो रपे । बजारा दा दो रपे दी किन्नी बड़ी मिलदी ऐ ।

रानो—तां रक्खड़ी बी बजारा दा बन्हाई लैनी ही । कन्नै भूठेआ तूं उन्नै रपे दियां गुंठियां ते मांजा डोर नेई हा लेई आया ?

कालो—बड़ा भूठ बोलना ऐ तूं ।

बबलू—में म्हेशां सच्च बोलनां ते भूठ मारना । भूठे गी घामके कन्नै मारनां ।

रानो—तां गै रोज कन्न पगड़ोंदे न स्कूल ।

बबलू—ओ ! ओ ते में इयां गै क्लासा च हासा पाने आस्तै पगड़ना हुन्नां । इक जागत ऐ ओ शुक्करवारें मीटिंग च गाने गान्दा ऐ । दूआ कवता सर्नांदा ऐ । श्रीया चुटकले बोलदा ऐ । इक होर जानवरें दियां बोलियां बोलदा ऐ । सब किश नां किश करदे न ।

रानो—छड़ा तूं गै भुड्डू बने दा रोहनां ।

बबलू—ऊं ! में म्हारज कदें कुक्कड़, कदें जहाज बननां कदें मोर ते कदें...

रानो—बस.....बस होर जागत ते शुक्करवारें करदे न ब तूं रोज जहाज जां कुक्कड़ बने दा हुन्नां ।

बबलू—तुन्दी अक्ल मुट्टी ऐ.....तुसंगी किश समझा नेई औंदा । बोहज्जे विन्वा चिंगम कडिठयें चापन लगदा ऐ ।

रानो—मिगी बी दे ।

बबलू—नेई भेने तूं साढ़े कन्नै आईवाली पाइयें मनुक्ख नेई बना अस ते जहाज गै खरे ।

रानो—चंगा हुन्दा मेरा बीर । दे फी में तुगी बी देंग ।

बबलू—तां पैहू ले आख-बबलू जी-म्हाराज जी । होर जी, में छन्दे करनी आं, वास्ते पान्नी आं, तुन्दे अगे फरेआद करनी आं, मिगी मेरे मन्दे लफज परताई देओ । कन्नै चिगम दा दान देओ म्हाराज.....  
तुन्दी बड़ी किरपा होग ।

कालो—[हसदे होई] आखी दे रानो ।

रानो—ऐमें आखी देआं । मक्कड़ जेआ । जे चिगम नेई देना तां मेरी बारी ते जागा दे ।

बबलू—तेरा ओ स्हाव ऐ जियां बान्दर बन्दे गी आखदा डरांदा हा.....  
लै मिगी ठोल खोई दे.....लै मिगी मखीर आनी दे.....नेई करना तां कड्ठ मेरी छोलें माएँ दी दाल ।

रानो—मखौल कन्नै मखौल रेहा, मल्लू जी बारी देओ । [उसदे बोहू जे च पेदे चिगम अल्ल हाम्बदी ऐ ।]

कालो—में मदद करां रानो । लुट्टो लैओ इसदा सारा चिगम ।

बबलू—लुट्टी लैओ मखौल ते पेदा ऐ.....कालिए कलूटिए.....  
जंगला दिए बूटिए.....भगड़े चिए टूटिए.....

कालो—केहू आखेआ कप्फना ?

बबलू—कालका माता ।

कालो—तूं केहू एं भैरो ? ओ पता माता की शक्ति कन्नै नै मरेआ हा ।  
दर्मे कुडियां बबलू दे मगर दौड़दिया न ।

बबलू—तां नेई लब्धा अज्ज चिगम ।

रानो—रौहू न दे मडिए, अस कोई चिगम दे भुक्खे आं । जिसलै साढ़े कील  
पैसे होऊन तां अस बी इसी दस्सी-दस्सिए लागे ।  
[रमेश आँदा ऐ]

रमेश—कालो ! घरा दा कम्म मकाई आई एं के ?



कालो—कोकड़ा कम्म ? आया ई इक होर बुड्ठा ।

रमेश—दिकख मे अपना सबक मकाइयै स्कूला दा कम्म करिऐ खंड  
आयां । तूं ते वस्ता त्रट्टेआ ते निकली आई ।

कालो—होर के करदी ।

रमेश—पढ़दी लिखदी.....सबक घोटदी ।

कालो—बसैंगी बिना घोटे चेता होई जन्दा ऐ ।

रमेश—तां भाई दी मदद करदी । भ्राटा छानी दिन्दी । ब्हारी फेरी उड़दी  
.....दाल ताली दिन्दी.....कम्म करदे आदमी घस्सी  
नेई जन्दा ।

बबलू—छोड़ यार कनेहिवां बुड्ठें आलियां गल्लां करा करना ऐ ।

रानो—भाओ अस घर-घर खेडने भां ।

कालो—रमेश तूं बुड्ठा नानू बनेयां ।

रमेश—खरा रानो तूं चाचा ते बबलू चाचू बनग ।

बबलू—में नेई बनदा चाचू ।

रानो—की ?

बबलू—चाचू डींगा मूं हूं करिऐ गल्लां करदा ऐ । कुतै उसने स्वांग लांदि  
दिकखी लेआ तां जान-खैर नेई ।

रमेश—अच्छा फी त्रातो बनी जा ।

रानो—उथां असें कोई सच्चें-मुच्चें थोड़ा बनी जाना ऐ ।

कालो—में पिकी बननी आं । ठीक ऐ ।

सब—ठीक ऐ, शुरू करो ।

रमेश—बुड्ठें भांगर खंगदा ऐ । खू: खू: कुतयं मरी गे न सारे ? खू: खू: ।

तातो—अस इत्ये आं नानू । इद्धर आई जाओ ।

नानू—[कम्बदी वाज] इद्धर आई जाओ । [व्यंग] इन्दे जियां जोड़ जुड़े दे न ।

चाची—नानू सारे जने कम्म लगगे दे न ।

नानू—कम्म केहू खनेई च लगगे दे न ? उट्ठिये इद्धर नेई ओन हुन्दा ? पिकी कुत्थे ऐ ?

तातो—होनी बाहूर कुतै ।

नानू—होनी कुतै । तुसैं रोली उड़ने त्रयाणं ।

चाची—नानू जी गुड्डियां पटोले खेडे करदी होग ।

नानू—दिक्खो जी साढ़ा जमाना हा अस घरा दा बाहूर गं नेई हे दिन्दे । मावां दस्सैं सालें तगर अपने त्रयाणें गी बाहूर दा दी हवा नेई हियां लगन दिदियां । हून अम्बडियां गै बैरी होई मेदियां न ।

चाची—नानू त्रयाणे घर खडोंदे गं नेई । कोई केहू करे ?

नानू—तुसैं सोफे परा उट्ठना नेई होआ । उन्दे कन्नै बोलने चालने दा टैम वी नेई । इस्सै उमरी च त्रयाणें गी सिक्ख मत देनी होंदी ऐ ।

चाची—गुड्डियां पटोले वी ते इस्सै उमरी च खेड़दे न । कहू तुन्दी उमरी उनें एकडे कम्म करने न ।

तातो—उंगोरी दिन्नां नानू । बाहूर फिरी आओ ।

नानू—तुस लोक अपने सामने वच्चें बुड्डें गी ते दिक्खी नेई सखान्दे । साढ़ा जमाना हा तां..... [दौड़दी पिकी उठी घ्रांटी ऐ ते नानू कन्नै पलचोई जन्दी ऐ]

नाजू—दिक्खें रंडका खल्ल उगांटी ऐ । निकके होंदे हे अस तां वड्डें कोला दस हत्थ दूर रीहूंदे हे । उन्दा आदरमान करदे हे.....हून डर बाहूर ते ऐ गं नेई । लै कुडिये । मिगी मेरी ऐनक, सोटी ते रमाल फगडा ।



पिकी—नानू सोटी ऐनक ते हैण पर रमाल घोइयै नपीइदे, भाई कोला फटी गेआ हा ।

तातो—[भट चाची गी बचाने आस्ते] बड़ियां घटिया चीजां नानूं भीन ।  
लगी पेइयां न मारकट च ।

नानू—साढ़े जमाने च इक रमाल ली पूरी उमर हंडदा हा । पैहे दे दर्जन रमाल औने । भेले च जाना इक अपने गले कल्ले बन्नी लैना ते बाकी दे बेची उड़ने । क्या सस्ते जमाने हे । जोकी दुनिया गी अगल लगी गेई..... कंदघे दे पिच्छुआं इक परछामां पीदा ऐ । चारै घर-घर खेडदे त्राई जन्दे न ]  
(परछामे दी बुआज : कम्बदी सुरै च) ए कुन ऐ मौती मुआ भंडस्वांगिया ?

कालो—नट्ठो असली नानू आई गेआ ऐ-ब्रौड़ो ।

सग्गै—नट्ठो .....नट्ठो .....नट्ठो ।

असली नानू—[सामने आइयै] ठैहरो कप्फनो, ठैहरो मरने जोहू डियो, तुन्दा लक्क भन्नां ।  
[असली नानू सोटी गूरियै उन्दे मगर ब्रौड़वा ऐ । सग्गै गोल दायरा जन बनाइयै हसदे-हसदे ब्रौड़दे रोहन्दे न ।]

[पर्दा डिगंदा ऐ]

प्रश्न सम्भास

1. घर-घर खेडना तुसेंगी कनेहा लगदा ऐ ? एदे वारै अपने बचार प्रगट करो ।
2. रानो ते कालो दी लड़ाई की हुन्दी ऐ ?
3. घर-घर खेडदे बेल्ली रमेवा ते बबलू केहू-केहू बनदे न ?
4. असली नानू कुन हा ते ओदे शा सारे की त्राही न ?
5. ठीक वाक्यें पर [✓] नशानी लागो :—

[1] इयां जाग गुल्ली जियां चिड़ी उड़रदी ऐ ।

[2] जेकर मैच रक्खना होऐ तां खेड शुरू करने दे बाद आसना पीदा ऐ ।

[3] जगान पञ्जें टोर्लें दा रक्खे दा ऐ ।

[4] चुकर ऐ तेरे च बी इन्ना दमाक नेई ऐ ।

[5] तुन्दी अकल पतली ऐ किश समझा नेई बीदा ।

### भाषा-अभ्यास

[क] खल्ल दित्ते दे शब्दों दे अर्थ देखो ते वीक्यों च प्रयोग करो :—

घर-घर, गुल्ली-हंडा, रौंद, धप्फड़, बाजी, स्वांग, गाली-मुजाली, खनेई, माह, हंडना, गूरना ।

[ख] खाली धाहूँ च संज्ञा शब्द करो :—

[1] बज्ज में तेरी.....भखाई देनी ऐ ।

[2] बस नेई.....पांटे होंदे ।

[3] बाबो बस.....खेठने जां ।

[4] रमेश तू.....बनेजां ।

[5] .....डीगा मूंह करिये गल्लां करदा ऐ ।

### ज्ञान-विषय

1. अपने अध्यापक कोला जागते ते कुड़िये दिये खेड्डें दे बारे च ज्ञान हासल करो ।

2. खेड्डें सेहतु लेई की जरूरी होंदियां न ते इन्दे कैहू फायदे न ? इस बारे अध्यापक कशा जानकारी ग्रहण करो ।



## कठिन शब्दों के अर्थ

### कठिया दा बस्सना

सफा—5 उंगर = माल-धच्छा, फोह = सवा मील दा फासला, ढक्किया = ढक्की, बछरेटे = निकके-निकके कटू-बच्छू, घस्सना = पीहना; ग्लाना = आखना; कच्च = झीकखा, बुरा; बस्सना = रोहना; राखी करना = दिक्खभाल करनी ।

### डुगर ते डोगरी

सफा—7 तेगां-भाले = हथ्यार; दयामें = नगाड़े; गेल्ली = नौकरेभानी, सूरबीर = बहादुर, जोधे; रणधीर = सूरमें; शरीर = काया, देह; रंक = फकीर, गरीब-गुरबे; धनें दा सीर = दुद्ध; खजाना = खजाना, दबोटी; बड़ाई = इज्जत-मान; नाम-नशान = ना-नशान; खान = कान; मिटना = खत्म होना ।

### दालती दा धंदा

सफा—9 फंगताल करी देना = गरीब करी देना; सुड़ी जाना = सड़ी जाना, भुज्जना = सड़ना-कुढ़ना, कच्चे धाहूर जाना = बुरी जगह जाना; चुड़ी जाना = पड़ी जाना ।

### सुरग देस

सफा—11 सुरग = स्वर्ग, बकुण्ठ; खारा = बड्डा टोकरा, त्रैलोकी = त्रैलोक्ये दा समूह, बलकार = बीर-बहादुर; जानी = ज्ञान आले; गुणी = गुणें आले, तीर्थ = धार्मिक जगहां; जोत = ज्ञान रूपी दीया; मुक्ति = मुक्ति; मोक्ष; छल्ल = लैहरां ।

## परदेस

सफा—13 परदेस=पराया देस; कैन्त==घरे आला, खसम; भौखी-भारी==मसीबत; ठेस=ठोकर; त्यागना=तज्जना, जां छोड़ना; देस द्रोही=देस दी भलाई दे बरूढ चलने आला; चाकर-चोर==चोरियां करने आला, चूग=दाना; सम्बना=मुक्कना; पैछी=पक्करू-पलेरू; रण-खारे=जोषे; सत्यर=घा-पत्तर दा बछैन; भुञ्जा=जमीना घर; कलेश=दुक्ख; मीना=मछली, प्राण=जान; संगी-तुरशी=गरीबी, प्ररज=बिनती ।

## आजू ऐ घोह्डी ते कम्म बत्हेरे

सफा—15 अत्तरुं=परसू; घनेरे=घने; डेरा कूच होना=मुगं सधारी जाना; चबक्खी=चौन्ने पास्तै; तलोफना=तुप्पना; थकल==बुद्धि ।

## पहाड़ें ते नविएं दा देस

सफा—17 रींग =कतार, पंफित; आले=बुआजां, सदां; बज्झोए=सेही होऐ जां समझा आयै; नाग=सप्प; सदियां=केई सौ साल; नथोए दे=बज्झे दे; सीना=छाती; रक्कड़=पथरीली; रौस=रौस जां रौनक; धारां=पहाड़ें दियां उलानां; लाड=प्यार; भाखी=पन्छाती; अनयक्क=नेई थक्कने आले; हाम्बी लैना=उबड़ें होईयै फकड़ना ।

## सम्नासर

सफा—19 बासना=खशबो, सगन्धी; जन्त=पत्यर, डीम; लौरा=अग्गी दा भवका; गुहाड़=छलैपा; भाख=लम्पी सुरें च गाये जाने आला डोगरी लोक गीत; दिब्ब=अद्भुत, सुरगी; पस्तरें दा बास=परियें दा बास; रास=राशि; धा=जखम; बत्त=रस्ता ।

## भेरे देसै दा शलैपा भेरी अक्खीं कन्नै दिख्ख

सफा—22 तानी=तकर; रौस=जंगलें दा छलैपा; बसोना=बसां करनी; सुहाना=सुहावना, रौसला; कंगार=किंगरे; छुम्ब=सुम्ब, पानी दा



निकलना; राही = राह-राहन्दु; हिठ = हेठ; सुरा-सुरै च; ताई =  
 इस पास्त; चल्न = चन्द्रमा; मसूरतां = [इ] शारे; अक्खर = अक्षर;  
 प्राण = जान; जन्नी = बट्टे; मुंठा दी = खुलं दी जां परानी ।

## प्रीत

सफा—25 डबरा = डूये पानियां च; डार = पंगत; अकाले = डोलके; हाली = हल  
 बाहने आला; जोग = ब्रैलें दी जोड़ी; सीं = स्याद; सीर = पानी;  
 तांग = चाह; नमोशी = शर्मिन्दगी; छलिया = धोखेबाज ।

## कमी अजादिये

सफा—29 कनियां = पानी दियां फुंगां; सबजा = हरयाली; माड़ियां = उच्चे मकान,  
 सने = मिट्टी नै भरोचे दे; आरती = पूजा दी थाली; मैहफलां = बैठकां,  
 गोष्ठियां ।

## रुत फुल्लां री आई

सफा—31 प्यूला = पीला; चादरु = दबट्टा; फुल्लारी = फुल्लें दी; तड़के = बडलें-  
 बडलें; डोलरुमा = डोलकी पर; खिदूडू = खंदोने; अड़िजंग = बदलें दी  
 गर्जन; अम्बड़ी = मां; दिलडू = दिल; बूटडू = बूटे ।

## अरम

सफा—33 वीरता = बहादरी; भलखोए = शर्मिन्दा होए; अमन = शान्ति, ऐमनी;  
 खूत = शरारत; तुक्खनी, छेडखानी; अलबेलडे = मस्ताने, ब्रैरी =  
 दुश्मन; दोखी = दुःख करने आले, बेगैरता = बेजती दा, बङ्गारेमा =  
 ललकारेआ; दागी = दागी, दोसपुर्ण; फरेब = धोखा ।

## भेरा मंदा कियां बुज्भो

सफा—35 छलैपा = सुन्दरता, खूबसूरती; मंदा = बजोग, दोआसी; पुरै दी = पूर्व  
 दिशा दी; लोरियां = बच्चें गी सोआलने आले गीत; किगरे = प्हाट  
 दीआं टीसियां; नित्यरे दे = साफ सुथरे पानी आने; सर = सरोवर.

धरोइए = शैल करियै; बासना = लषाबू, टिब्बू = उच्ची प्हाड़ी;  
 छोरे = परशाभे; मरीदा = बाहीं गी पाने आला चांदी दा गैहना,  
 बोबो = बड्डी भैण; गिल्लू = निक्के जागत; हांबना = उवडे होइए कुसै  
 चीजै गी फगडना; छम्बा = बुक्क; हौक्कै = आहू, भरना; छिल्लडू =  
 बकरी दा निक्का बच्चा; इन्तजारी = निहालप; आँसी =  
 धरती पर खिच्ची दी काहूर; परोली = बरांडा ।

## बदली

सफा—37 नीमे होना = भुकना; अपना-आप लटाना = अपना सब किश देई  
 - ओड़ना; मोती डोलना = बरखा बरना; गोद बधाना = मंगना; कदर  
 गुआनी = बेजती करानी ।

## लामा फेरे

सफा—9 दिलगीर = दोआस; भागली भागें आली; चंगेर = फुल्ले आली  
 छाबडी; सराहना = प्रशंसा, तारीफ; देह = शरीर; सुरती = चेता;  
 भक्कना = शरम करनी; प्याजी = प्याजी; गुलाबी; बन्धन = बन्धन  
 मजबूरी; भलोके = भोले; लाज = शरम; फाई = बन्धन, घूड़-मट्टड़ी =  
 फिक्की-फिक्की; जचना शैल लगना; सबर = सबर, फर्ज =  
 कर्तव्य; लम्बां लाना = अग लाना; बलवान = जोरे आला; तकदीर =  
 किसमत, नसीब, भाग ।

## गरसाल कोठी

सूफा—43 मशकरी टिचकर, मजाक; गरड़-मरडे = चिट्टे काले बाल; खट्ट-  
 मिट्टे = रले मिने; हलाहल = जैहूर; मुल्फा = तमाकू दी कौड़ी किस्म;  
 बच्छीबन्ह-तमाकू बडा गै तेज तमाकू जेदे कन्ने आदमी नशे च चूर  
 होइये सुध-बुध खोई ओड़दा ऐ; दमेल = दाँ चीजें दा मेल; अदमपते =  
 अनजाने; सट्ला = बाहू उच्ची करियै किश आक्खना; केसरी  
 विजया = केसर, बदाम ते चार मगजें आली घोटी दी भंग; आब =  
 पानी; मजलस लगना = लोकें दा किटठे होइयै बौहना; अडम्बी  
 लेना = बासे कन्ने खिच्ची लेना; नीला सरबल = गूढे नीले रंगें दा;  
 सूरमा = ब्हादर ।



## समाचार-पत्र

सफा—58 फरेआद करना = अरज करना, बिनती करना; बिसी-ताना = मायूस जां निम्भोभान होइयै बौहना, फिरना, सबब्बन = चानचक्क जां व्हाने पिच्छे; मोलबर = प्रमुख, सब्बने च बड्डा; छप्पड़ = ओ इंगा थाहर जित्ये बरखा दा पानीरुके दा होयै; गुजर = गुजारा ।

## मंगते दा घराद

सफा—65 घराट = पानी कन्ने चलने आली मशीन जित्ये आटा बगैरा पीह्दें न; बरैकड़ = इक्क प्रकार दा कौड़े पतरें आला बूहटा, चौई = ओ थाहर जित्ये पानी रुके दा होए। छकाना = छेड़ना; तरारा = गुस्ता, मता रोहं।

## की फुल्ल बनी गे डारे

सफा—68 सज्जी = इक किस्मा दी सोआह; सलेटी = चूहा रंग; न्हेरी चूक = ओह भुक्कर जित्ये न्हेरा होयै, पुआणा = नगें पैरें; सम्भी जाना = भुक्की जाना; खराक = गिजा; बतङ्गड़ = बेवकूफ; खचरा = प्लेसें आला; मुश्कल, तुकबंदी = कवता गंढनीं, फलौनी = बभारत; गडाका = जोरे दी हस्सना; खलदर = खलदरा, तारपीन, गन्दा बरोजा; फरोलना = अगो पिच्छे करियै तुप्पना; खुरद-बुरद = इधर-उधर अगो पिच्छे होना; गोआचना; आसरमा = स्हारा; लचार = किसे चीजे थमां थुड़ना जां मायूस होना; अरड़ = जोरें दा रोना; मजूरी = मजदूरी ।

## अन्तिम इच्छेया


सफा—77 मूल उठुना = ठिड्डै च जोरें दी पीड़ उठुनी; पटाका ठोआलना = ऋहाका कड्डना, मारना; राड़ बराड़ियां गल्लां करना = बेधवियां गल्लां करना; होनी दे पैर पुट्ठे = होनहार बचित्तर ऐ ।

## घर-घर


सफा—84 घर-घर=ज्याणें दी इक खेड; गुल्ली डंडा=जागतें दी इक खेड;  
रोंद पाना=भंगड़ा खड़ा करना; घप्पड़=चण्ड, चप्पेड़; बाजी=खेडे दी  
इक बारी; स्वांग=नकल; गाली-मुहाली=चंगी-माड़ी-आखना;  
खनेई=मिट्टी दी खान; ब्राह=डर, ब्रहाका; हंडना=चलना, बूढ़ना;  
नपीड़ना=नचोड़ना, गूरना=घूरना ।












© ALL RIGHTS RESERVED



Price :- 4/50

1989.

4.46.00

Published by :

The Secretary

The Jammu & Kashmir State Board of School Education

Printed at "Lss Ess Ess Offset Press,"

Jammu.